

SIRETAB BETUT AGE TUGUL

KONUNET 4

Arawetab Taman - Arawetab Taman ak agenge - Arawetab Taman ak aeng'

2024

# Logoiywek **Che Miach**

Betut age tugul

**BUCH**

MA KIALDOI

SIRUTICHU KO KILPAN  
ORETIKYOK AGO NYOLU KIGOITO BUCH

J beek che kaitit eng' ne amei melel, **Logoiywek che miach** che bunu emet ne loo (Kalewenaik 25:25)

*Uebert & BeBe*  
**ANGEL**



## UEBERT & BEBE ANGEL

Kotinyei kenysisiek che chang' eng' boisetab kamuktaindet, Uebert ak BeBe Angel kondochin kutuswek eng' mwaitaetab logoiywek che miach, che bo chametab Kamuktaindet (Euaggelion) ak maonatet koyom ng'onny. Ichek ko siriik che bo bukuisiek che aldoi mising' kou 'Spiritual Warfare, Intimacy, Prayer Banks, Supernatural Power of The Believer, ak alak. Uebert ak BeBe Angel kecheng'ei eng' emotinwek che chang', kocheer ak kondochi bik. Chamatin amu eng' kereetab tai, taunetab tuguk ak nyiganatet. Taunikab kanisetab Goodnews Church (Spirit Embassy) ak ichek ko maotik che kitiiny sobonwekab bik konyil milionisiek eng' ng'onny komugul, amu eng' chamenywan kosor sobonwek, kobunu ng'ang'utietab logoiywek che miach che bo chametab Kamuktaindet (Euaggelion).



**Taunet 30:27**

**Ak kilenji Laban, Ngo kianyuru mieindo eng' taing'ung', ko mat iwe amu kiageer komie ale kigoberura Jehovah agobo inye.**

Agetugul ne kelewen orotyine, komuchi kotiinyegei ak berurto ne inyoru! Eng' sirutietab rani kegeere Laban kong'alali ak Jakobo kolenjin, kiageer komie ale kigoberura Jehovah agobo inye. Eng' ng'alek alak ko kigeere Laban berurtanyin ko kibun berurto, ne kigochi Kamuktaindet sobetab Jakobo! Eng' sobetab kristianik rani, ko chang' che maiguitos koborunetab bik che leweni kobendat tugul. Mwowech bukuit ne tilil kole, leweni che bo imanda choronokwak eng' ng'omnatet; noto anyun kanyol igeer ile age tugul ne obendoti kibagenge, kogasyin-

dos ak kuurseng'ung' anan ng'ang'utik che kiinde kamuktaindet sobeng'ung'.

Ye oratage ak bik che matoretin itestai eng' bandang'ung ak Kristo, komuchi kong'emak mising' kamang'uneng'ung' eng' sobet. Bik che ingen anan choronoguk, kotinye kimnatet koek amu ne si bune usonet, anan koek ichek che ing'eetin iwe barak eng' chokyinet!

## MAONATET NE KIMWACHIN GE

**Mitei kimnatet eng' ine ne kalewen kituyen ge. Kong'eeten rani, ko kaatilu aisto boisionikab tamirmirik che muruonen, che yomei kobut yamdaenyun ak Kamuktaindet kobun ichek che king'alali tugul. Amen.**

### TESETAB SOMANET

Kalewenaik 13:20

### CHERSET KESOMAN BUKUIT NE TILIL ENG' BETUSIEK 365

Somanetab rani: Luka 1, Johana 1



**Johana 3:16**

**Amu kicham Jehovah ng'onny mising, kot kogoito Werinnyi ne kigii inegei, si malus age tugul ne iyani inendet, ago si konyor sobondab koigeny.**

Sirutioni ko mwaat mising' eng' kanisosiekab kristianik. Kobaten maiguitos che chang kit ne kitokyin ge sirutioni. Ye kimwaei Jesu ng'alechu ko mang'alalen sobondab koigeny, kogergeit ak sobet ne kisobe keny!

Nganda inoni ko konunet ne kigigonin inye lakwetab kamuktaindet, ko mwaat kele sobondab koigeny eng' kaguyet ne ki bo tai, ko ki ng'olyot 'Zoe', noto ko sobet ko u ye tinaryei Kamuktaindet. Sobonoto bo koigeny ko tinaryeigi ak kimnatet ne mabegu, rirenetab ge ne mabegu, kamugenyin ne mabegu ak naenyi ne mabegu. Kit age tugul ne te-

setai eng' inendet ko u ye nyolu, ko bo koigeny. Ye kiitach Jesu eng' sobeng'ung', ko kiinyoru sobonoto eng' tamirmirieng'ung'!

Kigonin Kristo sobet ne u ne bo kamuktaindet. Nguno ko I lakwenyin, ko kigeyain isob sobet ne bo telunatetab koigeny. Kabutet ko mamitei eng' ole kigiyaita bortang'ung'. Itinye kamuget ne matinye ole ige-sune ge, iegu ne telunat ak iyai che echen mising' eng' olda tugul, eng' kenyini bo chego ak kumiat.

## **MAONATET NE KIMWACHIN GE**

**Kigegona sobet ne u ne bo Kamuktaindet! Atinye kamuget ne maigesu ge anyor kwang'utik che mabegu eng' sobenyun. Asobe sobetab telunatetab koigeny eng' kainet ne toror mising' ne bo Jesu.**

### **TESETAB SOMANET**

Johana 10:28-30

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 1, Luka 2



**Boisionikab che kiyoktoi 2:38**  
**Kolenji Petero ichek, Osigu, si kibatisan**  
**age tugul eng' okwek eng' kainetab**  
**Jesu Kristo agobo nyoetab kaat ne bo**  
**tengekwogikwok; si otaach konunetab**  
**Tamirmiriet ne Tilil.**

Chamyet age tugu keteche eng' ng'alalet. Ngo chamyet ak chamanet, anan chamyet ak lagok, anan chamnyet ak bik che oboisieie tugul, ko mamitee chamnyet ne isulda ama eng' ng'alalet. Ko u noto agine eng' inye ne lakwetab Kamuktandet, ko nyoljin otuyegei kibagenge ak Tamimirmiriet Ne Tilil!

Bune che chang' nyailiwogik eng' ng'ony ko icheget amu ma ingen kole mitei Toretindet ne bo koigeny, ago imuchi kotoret ichek eng' olda tugul. Tamimirmiriet Ne Tilil ko Chi ago nyolu

keng'ololji ko u Chito! Mwochin agobo betung'ung, uundang'ung', kobelisieng'ung', mwochin tuguk tugul eng' kiy age tugul. Mitei inendet kotoretin.

Tamirmiriet Ne Tilil ko konunotiot ne kararan, ne kigigonin buch ye kin itaach Kristo. Ye mitei iman Tamirmiriet Ne Tilil oring'ung, ko mamitee kimnatet age ne imokyini ge, amu nguno mitei oring'ung' ole bunu kimnatosiek tugul. Chamnyet nemie ak Tamirmiriet Ne Tilil, ko tinyei tilunet ne o eng' sobetab kristianik. Ye ing'eetei karon igat Tamirmiriet Ne Tilil!

## **MAONATET NE KIMWACHIN GE**

**Ane ak Tamirmiriet Ne Tilil ko kagituye ge eng' kibagenge.**  
**Kisoei tuwai ak king'alali tuwai betut age tugul. Amen.**

### **TESETAB SOMANET**

Romanik 8:26

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 2



### 2 Timoteo 2:3-4

Nam yamdaet ne bo nyalilda, ko u askarindet ne mie ne bo Kristo Jesu. Mami askarindet, ne ngo mi boisiet, koratyingei tuguk che bo ng'ony; si kobiit kobaibai ne kisirei inendet koek askarindet.

Luget age tugul, ko tinya askarindet age tugul boisienyin, ago boisionichoto ko konu ne kisirei ichek. Ko u noto anyun ko kiguurin Kiptayat Jesu Kristo, eng' borietab butusiechu bo let. Kimi atebetab boriet nganda maiguitos che chang'. Ma borietab kiy age tugul kobaten sobonwek.

Sirutioni bo rani ko bo ateptab ichek, che kigiguurchi boisietab Kamuktaindet. Mwowech kole askarindet ne mie ko ma ratyingei tuguk che bo ng'ony. Ko I askarindet ne mie ne bo Kristo, ko

manyajjin iratyigei tuguk che tese tai eng' ng'ony. Tokyin ge boisiet ne kigonin Kamuktaindet!

Ngo boisieng'ung ko amdaet, ngo konunetab fedaisiek anan toretisietab kaniseng'ung, itilu kiy eng' ole tokyingei boisietab Kamuktaindet. Matiyani kotononjin tugugab ng'ony, kobaten tokyin ge atebeng'ung ne bo kasartab boriet, si kobiit ibaibai inendet ne kiiyogun iboisiechi.

## MAONATET NE KIMWACHIN GE

**Ko a askarindet ne mie ne bo Jesu Kristo, asubi atebetab askarindet. Matononwon tugugab ng'ony eng' borioni bo sobonwek. Amitei ta eng' luget! Amen.**

### TESETAB SOMANET

Tienwogikab kolosunet 144:1

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 3, Mariko 1, Luka 3



**2 Korintoek 4:17**

**Amu bichiindanyo ne nymnyum, ne matebyei, koyaiywech torornatet ne o ne bo koigeny, ne tesoksei mising' kosiir;**

Eng' bounatetab Kamuktaindet, ki-boru boiboyetab Tamirmiriet NeTilil! Mat ichamchi kasarta ne ichuutin iwe ng'onny, amu manamegei ak sobet ne makyin Kamuktaindet, ichek che isubi indendet. Agot eng' chuto tugul ko chamei kristianik che chang', boiboyet ne tien ge tuguk che tese tai eng' sobenywa.

Kisorun Kristo eng' kosutikab borto. Kanyol anyun, isop amaiimin kiy, ak ilewen iboisien boiboyet ne kigonech Kamuktaindet buch kobunu Jesu Kristo. Keboisien boiboyetab Kamuktaindet ko keboisien eng' yamet noto kigonin

Kamuktaindet, eng' betut ne kiiyan iigu kosubindetab Kristo.

Tononetab bounatet ko, choto che igeere, ko choto che isiche. Ye igeer eng' konyeguk ak mo u tuguk ole imaktoi, iyot konyeguk! Keer ak konyegab tamirmiriet. Keer ko u ole keerto inendet ne kasorun eng' choto. Sop rani sobet ne maiimin kiy age tugul. Isub sobetab boiboyet, ama sobet ne tononjin kosutikab borto.

## **MAONATET NE KIMWACHIN GE**

**Aboisien boiboyet ne kigona Kamuktaindet. Asobe ko maiimon tuguk tugul che muutyon. Ye ageer tuguk che mamachei kotese tai eng' sobenyun, awale kerenyun ak anam aboisie konyekab tamirmiriet.**

### **TESETAB SOMANET**

Jakobo 1:2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 4, Luka 4-5



**Kolosaik 3:1**

**Ko u ye king'eetye anyun koboto Kris-to, ocheng' tuguk che mi barak, ole mi Kristo kotebyei eng' eutab tai ne bo Jehovah.**

Mbartanyisiek che ibeli ge, ko ureriet ne ruaei mbartanyisiek agoi ole tetat. Eng' urerionoto kilokyin mbartanyisiek tuguk che ikwenyi eng' konyekwak, si kobiit koteer koimutikab taban, ye-ityo kotokyigei ruaet. Ko u noto eng' inye lakwetab Kamuktaindet, ko nyoljin iwendote ak kereetab ichek che urereni ak mbartanyisiek. Ilaach eng' tamirmiriet choto che ikwenyi, si kobiit koteer koimutik che mi taban, yeityo itokyigei ruaet!

Koten kogerotin konyekab mbartanyisiek, ko ng'etu itikwaak koyatatin si kobiit kogas ng'atutikab inendet ne

lanyei. Nyoljin aginye kristianindet iteer kaimutik tugul che muutyin, ye-ityo igas kityo ng'atutikab Kamuktaindet ye itesetai ilabati.

Mwowych sirutiet kole inye ne mi eng' Jesu, ko nyoljin itokyi konyeguk tuguk che mi barak. Tokyin ge kuurseng'ung' bo Kamuktaindet, agobo kasarta ne ki mi, ak igeer sobeng'ung' kolapkeitu kosir ole kiibwatyini!

## **MAONATET NE KIMWACHIN GE**

**Atere kaimutik tugul! Atokyinigei ruaet ne alabati kityo. Ko u mbartanyitab ureriet, ne kignet ruaet, alabati eng' chokynet atokyinigei ole kigesunen. Abelisiei anyun eng' keniyini bo chego ak kumik. Amen.**

### **TESETAB SOMANET**

Matayo 6:33

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Johana 2-4



**Kilenji Josua bik, Oanyinyge: amu yaei Jehovah kwong'utik mutai eng' kwenung'wong'.**

Kiingen Josua komie kimnatet ne mi eng' tililindo—katililetab kabwatutik, sobet ak ortinweguk. Ngot imache iyai magetab Kamuktaindet eng' so-beng'ung', ko kanyol itinye tililindo! Chang' che kureen ge kristianik ago sobenywa, ko maityindos ak Kristo kobaten ityindos ak ichek che bo ng'ony. Ye isop ko u nito ak igeni kowalak so-beng'ung', kong'eeten torornatet age agoi age, ko abusnatet.

Eng' sirutioni kegeere Josua kong'alal-jin lagokab Israel kolenjin, oanyiny ge amu yaei Kamuktaindet Kwong'utik mutai eng' kwenung'wong. Ibwaat ile kwong'utik che kiwendi koyae Kamuktaindet, ko kitieen ge tililindab bikyik!

Imuchi ichililil kwong'utik che chang', che machei Kamuktaindet kosuldaen eng' sobeng'ung', amu tomo itabanege ichek che mitei ng'ony. Tilun rani itabanege nametab eutab ng'ony, ak iwendi ig-eere Kwong'utik che echen che bo Kamuktaindet, kosuldai eng' so-beng'ung!

## **MAONATET NE KIMWACHIN GE**

**Mitei kimnatet ne o mising' eng' tililindo! Ye atabanee ge ng'ony ak magutikyik, ataache kwang'utikab Kamuktaindet eng' sobenyun! Angen ale atinye kimnatet eng' tililindanyun.**

### **TESETAB SOMANET**

Matayo 5:8

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 8, Mariko 2



**Romanik 8:11**

**Ago ngo menyok Tamirmirietab inendet ne kiing'eet Jesu komong'une che kibek, kosoobi borwekwok che begu inendet ne kiing'eet Kristo Jesu komong'une che kibek, eng' Tamirmiriennyi ne menyei eng' okwek.**

Tinyei kaniset kamuget kosoob ge. Kin iegu lakwetab Kamuktaindet kegonin sobondab koigeny, noto anyun ko memokyini ge kosobet! Miondo anan koimutyet age tugul ne yomei konamchin ge, koistogei eng' chokyinet, ye iboisien konunotiotab Kamuktaindet eng' oring'ung'. Mwaei Bukuit Ne Tilil kole ngo menyin Tamirmiriet noto ne kiing'eet Jesu komong'une che kibek, kosoobi Tamirmirionoto borwekwok che begu. .

Agot eng' noto rani, ko chang' Kristianik che iime mionwogik che mengechen, kou ametab metit ak miondab koristo. Amun nee? Mwowech Bukuit Ne Tilil kole, kigeng'em bikab Kamuktaindet amun matinyei naet! Nguno ingomianso kristianik, ko amu tomo koib kasarta konai kimnatet ne tinyei.

Ye inaa inet ge ng'olyot ne bo Kamuktaindet, igeere sobet ne kimakyin inendet lagokyik. Esien ratetab karnog chebo mionwek ak kaimutikab borto, ak inyiganitu eng' kamuget ne kigonin Kamuktaindet isoob ge.

## **MAONATET NE KIMWACHIN GE**

**Kigona Kamuktaindet tuguk tugul, che amuchi aboisien asoob ge ngunito. Atinye kamuget eng' orinyun asoob ge. Meamiani kasarta age! Amen.**

### **TESETAB SOMANET**

1 Petero 2:14

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Johana 5



**Luka 4:4**

**Ak kiwolji Jesu inendet kolenji, Kigisir keke, Masobei chi eng' makatiat inegei, ago eng ng'alek tugul che bo Kamuktaindet.**

Sirutioni kaboruech Kiptayat Jesu, kowolu agenge eng' tyemutikab setani, ago iboruech kereet nemie, eng' ole imuchi koboisi ng'olyotab Kamuktaindet eng' sobonwekyok. Kingowol kole ma sobei chi eng' makatiat inegei, ago eng' ng'alek tugul che bo Kamuktaindet, ko kimatokiyin ge ng'olyot ne 'logos' ne bo Kamuktaindet, kobaten king'alalen ng'olyot noto ne 'rhema' Logos ko ng'olyot ne bo Kamuktaindet ne tononjin kabwatutikyik, tetutikyik, magenyin ak itondanyin, ago rhema ko ng'olyot noto ne boisie ne bunu Kamuktaindet agobo tetutikab sait

noto! Ng'olyotab rhema kotinyei kimnatet koteechin kogeny eng' sait noto ne imakyini ge, ago noto amune si konyolu mising' maonatet. Initaach ng'olyotab rhema kobun Kamuktaindet, koberurin amu noto ne imokyini ge eng' sait noto.

Eng' kaborunet ingele ibune uinwek eng' sobeng'ung, ak eng' chokyinet itaach ng'olyot kobun Kiptayat, kolenjin Le ami kobaten eng' betut age tugul. Mwaonito ko mi Bukuit Ne tilil ago kigisir kenysisiek che chang' che kigosirto, kobaten egu rhema ye ibuun Tamirmiriet ne Tilil, kotieen ge uindo ne ibune eng' sait noto!

## MAONATET NE KIMWACHIN GE

**Ye abwatati ngo'olyotab Kamuktaindet, ko ibu Tamirmirienyin ng'olyot ne boisewon sait noto, eng' ole abunoti! Rhema koteekwon kogeny sobenyun! Amen.**

### TESETAB SOMANET

2 Timoteo 3:16

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 12, Mariko 3, Luka 6



**Hebranik 11:1**

**Noto anyun kayanet ko naetab tuguk che kimang'u, ak kaborunetab tuguk che tomo kegeer.**

Kayanet ko u ye nyolu ko tiyyet eng' inye ak oindet. Mwaei nee Laitoriatab laitorinik agobo inye ak ole ibune, ago mwaei nee agine oindet agobo so-beng'ung'. Kabelisieng'ung' eng' tiyy-onito ko tien ge ng'omnatet ne itinye eng' ng'olyotab Kamuktaindet. Mwaei Bukuit Ne Tilil kole, nyonei kayanet eng' kaset ak kaset ko eng' ng'olyotab Kamuktaindet. Eng' kaguiyet age ko kale nyonei kayanet eng' kaset ak kaset agine, komong'une kanetetab ge ne bo ng'olyotab Kamuktaindet! Ye metinyei kayanet eng' kiy age tugul ne ibune, inyoru toretet eng' ng'olyotab Kamuktaindet.

Iyanjin ng'alekab Kamuktaindet komong'une Bukuit, ak kobois koterin eng' kaberberisietab bunyot! Ye mwa oindet kole I nyalulat ko machei iwolu ile Jehovah Kimnatennyu ak long'ennyu, kigomang' muguledanyu inendet ago toreta inendet! Ye mwa oindet kole imiani, imwachi ge aginye ile inyiituun Kamuktaindet magufikyuk tugul.

Boisiei ng'olyotab Kamuktaindet ko u toloitab kayanenyon. Ineet ge iboisien koek ole bunu uruetab toretet, ye inaaam boriet bunyot. Ye irat-age eng' kayanet ko maimuchi kotinyin kiy.

## **MAONATET NE KIMWACHIN GE**

**Kayanennyu kogonu tuguk che togu, ak togunet eng' tuguk che matogu! Ye kiboisie komie ng'olyotab Kamuktaindet, ko egu uruetab toretet ye inaaam boriet bunyot. Aboisien kayanet ko u ye nyolu komie! Amen.**

### **TESETAB SOMANET**

Romanik 10:17

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 5-7



**2 Petero 1:10**

**Eng' noto anyun, che kitupche, ogiilge mising' inne, oyai kuureng'wong' ak leweneng'wong' kogimit: amu ngot oyai tuguchuto ko magoi obutyte matiny:**

Mwaat kele kirisiek, ko ole iyumchin ge kamang'unosiek ak tetutik che mai-sulda. Yoto kogeny ko ole imuunyen kandoik, tienik, taunik ak bik alak che chang', che tomo agot kosuldae kagochinoik ak tetutikwa. Tos kaimut ne tian!

Chang' che kisopcho ama boisien kogeas, kuurenywa ne bo Kamuktaindet eng' sobenywa! Ago mwaei sirutiet kole ogiilge mising' ine, oyai kuureng'wong' ak leweneng'wong' kogimit! Ng'olyot 'kigiilge' ko ketokyi ge ak kechuulchi ge kit age tugul noto ne iyae. Ngot itinye koochutet ne bo

kuuret ne maesiooksei kobun Kamuktaindet, ko nyoljin ichuulchi ge ak itokyi ge kotugul kuureng'ung' eng' iman!

Kristianik che chang' ko mi eng' lelut, ye ibwat ichek kole, amu kigoyan Jesu ko soptos ichek, kou ye machei Kamuktaindet eng' sobenywa. Loo nito eng' imanda! Nda kiu noto ko tos mamwochi Paulo konetindet ne kiming'in (Arkipo), kolenji korib boisiet ne kitaach eng' Kiptayat, si kobiit koyai kosulda! Tilun rani isub noto ne kiguurchin Kamuktaindet ak itokyi ge iyai ko mami kit age tugul ne ranyin!

## **MAONATET NE KIMWACHIN GE**

**Kigichuutyon otwaknatet! Asobe ak asuldae kuuret noto ne maesiooksei, ne bo Kamuktaindet eng' sobenyu! Eng' kimnatetab Tamirmiriet Ne Tilil, kindoiwa eng' komosta age tugul, asuldae tetutik ak magetab Kamuktaindet eng' sobenyun.**

### **TESETAB SOMANET**

Kolosaik 4:17

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 9, Luka 7



**Pilipik 4:6**

**Amogeneri met eng' kiy age tugul; ago eng' kiy age tugul ko eng' saet ak som-et koboto kongoi, ingonaak somutik-wok eng' Jehovah.**

kamuset ak kereretab met, ko ma nyolu komi eng' sobetab Kristianik! Mwowech Bukuit Ne Tilil kole, magonech Kamuktaindet Tamirmiriet ne bo nyogornatet, kobaten ne bo kamuget ak chamnyet, ak kabwatutik che tononotin. Inoni koboru kole nyo-gornatet ko konunotiot agine, ne konu oindet!

Mat ichamchi ng'alek, che u mwaet ne kilelen anyogor, kochutyi ng'alaleng'ung', amu ma bo Kamuktaindet kobaten bo oindet! Ko I lak-wetab kamukaindet ko nyolu inyoru nyiganatet, eng' ng'omnatetab inen-

det ne menyei oring'ung'.

Ye iyweisie anan ye ityin nyogoriet, ibwaat ng'alekab Johana ne kiyoktoi, ye kimwa inendet kole, o bo Jehovah lagochu mengech ak kioterter ichek! Amu boriet age tugul ne ityin, ko kigonin Kamuktaindet karik tugul, che torefin iterterisie! Esien nyogornatet, kereretab met ak nyallida, ak inam nyiganatet eng' Kiptayat, ne kigobelis eng' boriet agobo inye!

## MAONATET NE KIMWACHIN GE

**A bo Kamuktaindet; ago magereri met agobo kiy age tugull Kiptayat ko ole anyorune nyiganatenyu. Bunyot age tugul ne ibwati koibwon boriet, konai inendet kole inami boriet ne mai-belisie! Amen.**

### TESETAB SOMANET

1 Johana 4:4

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 11



**Johana 14:13**

**Ak kit age tugul ne osome eng' kainennyu, ayae, si kegonyit Kwanda eng' Werit.**

Mamitei kiy age tugul ne tos iteeb, yeityo koesio Kamuktaindet kogonin! Magetab Kamuktaindet ko isulde eng' chemyach eng' sobeng'ung'. Nganda magetab Kamuktaindet iegu mogoriot, ko ma kele ka iegu mogoriot eng' yoto! Machei iboisie ng'olyot noto ne bo Kamuktaindet, si kochomchi mage-nyin kosulda eng' sobeng'ung'.

Eng' sirutioni bo rani ko mwaei Kiptayat Jesu kole, ye osom eng' kainennyi ko yaei inendet kou noto. Ingemwa kele 'noto' koboru kole, yachei itinye kabegechinet eng' kit noto isome. Kabegechinet kogonu wolulik che imakyini ge! Igimite chuto Bukuit ne bo Matayo

ye kimwa kole, ye ilenji tulwet inoni kitutin ak kewirchin araraita—kosuldoi ko u eng' mwaonato. Ng'olyot ne kimwa kole 'inoni' koboru kole machei itinye kabegechinet eng' tebseng'ung' aginye.

Nyiganitun eng' kimnatet ne magitumtumi, ne kiinde Kamuktaindet oring'ung'! Mat iteer Kamuktaindet, eng' sometab tugug che ingenji ge ile imuchi koyai, kobaten som inendet tugug che echen che maimuchi agot kabwatufiguk. Yeityo igeer Kamuktaindet kowolun ko u eng' someng'ung', ak ole itei kayaneng'ung'!

## **MAONATET NE KIMWACHIN GE**

**Ye asome eng' kainet ne bo Jesu, asome eng' kabegechinet!  
Angen ale tinyei Kamuktaindet kimnatet kowolwon ko u eng'  
somenyun, agot kosiir ole ite kabwatutikyuk! Amen.**

### **TESETAB SOMANET**

Matayo 17:20

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 11



**1 Tesalonikek 5:16-18**

**Oboiboitu betusiek tugul; osae kotugul; omwae kongoi eng' tuguk tugul: amu nito magetab Jehovah eng' Kristo Jesu eng' okwek.**

Saet ko noto ne teechin. Ye mesoei ko u ne iwendi boriet, ak iyome imwoksei ak kwanget ne matinye kipchabonik. Ye iratat ak sobet ne bo saet ne korom, ko ichobot eng' boriosiek tugul che bo oindet!

Eng' Bukuit Ne Tilil kegeere kaborunoik che chang', che iboru kimnatetab saet. Ne tai ko Kiptaiyat Jesu inendet, ne eng' boisiinyin tugul kegeere kosaei ko tomo koyai kaborunoik, ak kosa ye kingoges. Agot eng' kaborunet ne o eng' tugul, ne kilae inendet tengekwokikyok eng' kimurtoiyot, ole kiichut kachililutikyok tugul, ak kobelis eng'

kirit

Agot eng' choto tugul, ko eng' kaniset rani, ko kinaita alak sobetab saet ne kitigin eng' olda tugul, ko u saet ne bo amisiet ak ruondo, yeityo kogeni ichek wolutik che eechen, che u che kibo bikab Kamuktaindet eng' keny.

Bik che u Paulo ne kiyoktoi, ko kimwa eng' nyiganatet agobo saenyin ne korom, ne kigeere komwachin Korintoek kolenjin, amwachini Jehovah kongoi ale ang'alali kutuswek kosirok okwek tugul. Ye iguye kimnatetab saet, ko mamitei kit ne imuchi koteerin eng' kiy age tugul.

## **MAONATET NE KIMWACHIN GE**

**Amwaktai kipchabonik amwage bunyot, aboisien kimnatetab saenyun. Kobun ng'alalenyun ak Kamuktaindet, anyoru kimnatet! Amen.**

### **TESETAB SOMANET**

1 Korintoek 14:18

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 13, Luka 8



**TIENWOGIKAB KALOSUNET 119:105**

**Taitab kelyekyuk ng'olyondeng'ung',  
Ak lapkeiyetab orennyu.**

Ngot imenyei eng' mesundeito inye Kristianindet, ak ibwati ile imi eng' lapkeiyet, imi ole ya mising'! Chame ng'onny mwaeit ne lelen, 'yai ko u ole imaatkoi', anan 'matiwalagi amu eng' chi', anan komwaei kole 'yachin ge imanit', ago mwaei ng'olyotab Kamuktaindet kole, igilchin ge iegu ne igesunot ge, ko u ye kiigesunot ge agine Kristo!

Amu nee si obortosi ak tamirmirikab mesundeito, ko kit ne berber: amu mwaei Bukuit Ne Tilil kole igoitai lapkeiyet ng'olyotab Kamuktaindet, ko eng' noto ye metesetai ineti ge sirutikab Kamuktaindet, itese tai iyatyini mesundeito kochut oritab sobeng'ung'!

Eng' sirutietab rani kegeere ng'olyotab Kamuktaindet, ko taitab kelyekyuk. Iboru noto kole ye ibune nyalilwogik, ak kogergeit ak ne imi mesundeito, itinye kamuget iboisien ng'olyotab Kamuktaindet kotoretin eng' noto, amu lapkeiyetab ng'olyot koistoi mesundeito ye kamuut-yin. Boisien rani ng'olyotab Kamuktaindet, koek lapkeiyet ne terei kaimutikab tamirmirikab mesundeito.

## **MAONATET NE KIMWACHIN GE**

**Angen kit ne aitai tamirmirikab mesundeito. Ng'olyotab Kamuktaindet ko taitab kelyekyuk, ak indoiwa eng' tugul che ayaei. Lapkeiyetab ng'olyot eng' orinyun, ko u tait ne letenyi mising', ak istoi mesundeito tugul ne muutyon!. Amen.**

### **TESETAB SOMANET**

1 Johana 1:7

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Mariko 4-5



**Taunet 13:14-15**

**Kingo kagobesio Lot ak Abram, kolenji Jehovah Abram, Tobende nguno anyun, ak igeerote kong'eete ole imitei komostab katam, ak komostab tai, ak komostab kong'asis, ak komostab cherongo: amu agonin emet tugul ne igeere koboto iyoteng'ung' koigeny.**

Kasarwek alak ko megose tugetab Kamuktaindet, amu memitei inyegen! Eng' kasarwechu ko chang' kaimutik, che tetotin koisto itiguk, eng' ng'alek che mwaei Kamuktaindet!

Inetech sirutietab rani kole, ko tomo konyo ng'ang'utiet, kondoito katabanetab ge! Bo kwong'et ye kigeere Abraham (Abram), ko maimuch konyor ng'ang'utietab Kamuktaindet, agoi ye kiit kotabaan ge! Imuchi inyoru ge iyome iiste ge, eng' ole imi inyegen,

amenae kole imiten ole mie igas, ole tokyingei sobengung' kobun Kristo, ak onaam ng'alalet ne mamitei ne kergei!

Iboruech Bukuit Ne Tilil kole agot Kiptayat Jesu Kristo, ko kiibe kasarta kotabaan ge ak kong'alal ak Kwanda. Mwaei Matayo agobo inendet, ye kitam kosere tuiyetab bik, yeityo kwo tulwet barak kotabaan ge ak kong'alal ak Kwanda. Ko u noto aginye ko nyoljin iibe kasarta, ifeer bolatosiek ak iepchi it ng'alekab kamuktaindet.

## **MAONATET NE KIMWACHIN GE**

**Ategisi kamanutietab katabanetab ge. Aguitosi ale ko tomo konyo ng'ang'utiet, ko indoito katabaanetab ge. Amwachini ge ale eng' kasarta ne ami anegen, ko achobot agas tugenyi ak ataach ng'ang'utik che kaachobwon! Amen.**

### **TESETAB SOMANET**

Matayo 14:23

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 10



**1 Johana 3:1**

**Ogeero, chamnyet ne u nee ne kichamenech Kwanda, kot keguurenech lagokab Jehovah! Ago ki choto achek. Amu nito anyun, ko maingenech ng'ony, amu kima nai inendet.**

Mwaei Bukuit Ne Tilil kole, chamnyet ko ma igoitoi kityo, kobaten tnye kamuget kotaach! Imanit ne mawoloksei agobo chamnyetab Kamuktaindet, ko noto ne kigonin inye lakwenyin tuguk tugul. Mwaei Bukuit Ne Tilil kole, agot sumeek eng' meting'ung' koitotin eng' Kamuktaindet, ak kinoe eng' noto kole kiinde kamanutiet ne o sobenyon!

Kigoneech Kamuktaindet eng' chang'indo ne o, chamyenyin. Chang'indo koboru ooindo. Kigonech chamnyet ne matinyei kagesunet. Noto ne tononjin chamnyet,

komeng'isie eng' oring'ung', ago kigeyain ak kegonin kamuget itaach, ak igoite chamnyet. Noto anyun ko bo kamanut ibarte chamnyetab Kamuktaindet, ne mi oring'ung' eng' sobengung'.

Ye iwendote eng' naet ile l ng'o, ago ibo ng'o, eng' Kristo, ko mamitei kasarta ne bo kabutet eng' sobeng'ung'. Inaam isop eng' naet kole ibo kamanutiet ne o mising' eng' Kamuktaindet, ago chamin inendet mising' kora.

## **MAONATET NE KIMWACHIN GE**

**Imanit ne mawalaksei agobo chamnyetab Kamuktaindet, ko toogu eng' tuguk tugul che kiyaiywan, ak che yaiywan eng' kinyini bo chego ak kumiat! Amen.**

### **TESETAB SOMANET**

Tienwogikab Kalosunet 17:18

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 14, Mariko 6, Luka 9



**Jakobo 2:26**

**Amu ko u ye meat borto ne matinyei tamirmiriet, ko u noto kayanet ne matinyei boisionik, meat agine.**

Eng' kaniset rani komi letaetab ge eng' koswek tugul, ne bo ichek che maindo boisiet ng'olyotab Kamuktaindet. Nametab sirutik eng' metit, ak saet ne bo saisiej che koen ko bo kamanut, kobaten ingeboisien ng'olyotab Kamuktaindet eng' ng'alalet age tugul, ak eng atebet, ko bo kamanut mising' eng' ole maktoi Kamuktaindet kesopto. Bukuit Ne Tilil ko ma bo kityo lititindo ak sobet ne bo imanda, ago ti nyei ng'atutik che bo kristianindet age tugul, kosub ak koyai.

Eng' sirutietab rani ko mwaei Jakobo ne Kiyoktoi kit ne bo kamanut kole, kayanet ne matinyei boisionik ko meat!

Kwong'ei kristianik ole o kole, amu nee si matinyei boiboyet sobonwekwak, ago mameto ichek kaniset, ago saei bet ak kemo, ak kosubi ichek tetutikab kanisenywa!

Ma ui walutiet. Bichiindo age tugul ne inyoru, ko I lakwetab Kamuktaindet, kotien ge ngo tos iboisie ng'olyotab Kamuktaindet, anan achicha. Kigonech Kamuktaindet kamuget kibwat ng'olyondenin ne mami ne kergei, ak kogonech kimnatet keboisien ng'olyondonoto kora. Keer ile keboisien ng'olyotab Kamuktaindet, eng' kiy age tugul ne mi betung'ung rani!

## **MAONATET NE KIMWACHIN GE**

**Aboisien ng'olyotab Kamuktaindet eng' olda tugul eng' sobenyun! Ma kristianindet amu eng' naet ne kianyuru, ak ayumjigei kityo, ago eng' kimnatet ne kiabarte! Eng' keniyini ayie logoek.**

### **TESETAB SOMANET**

Habakuk 2:4

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Johana 6



**Epesoek 4:32**

**ak otebi eng' talasiet okwege eng' ok-  
wege, orirege, ak onyochinige kaat,  
ko u ye kinyoiywok kaat Jehovah ag-  
ine eng' Kristo.**

As sons and daughters of the risen Ko ki werik ak tibik che bo Jesu noto ne king'eet eng' meet, ko kigenyoiwech kaat kachililutikyok tugul! Agot eng' noto inyoru Kristianik che ibwati kole, nyoetab kaat ko kit ne yaachei keyochi boisiet, ama kigonu buch! Mwowech Bukuit Ne Tilil kole, kigiun tengekwogikuk tugul, eng' betut ne kiiyan Kristo, koek Kiptayat ak sorunindeng'ung'. Ye iesie inyochi chi kaat, isobe sobet ne maiyanjindos ak ole maktoi Kamuktaindet sobetab Kristianindet, ak eng' yoto iyanjini ng'wanindo kogeeseen.

Eng' Bukuit Ne Tilil kegeere komoswek

che chang', che iboru kimnatetab nyoetab kaat. Agenge ko Kiptayat Jesu Kristo, ne eng' usisiet ak kaimutik, ko kigeer inendet ichek che kigose, ta yochi ne ya, ak kosochi kole, 'Nyochin kaat we Baba'! Ko u noto ak achek lagokyik ko nyolu keyai ko u noto, kenyochein kaat ichek cheboriech, ak kesochi ichek.

Mwawech sirufietab rani kole, kechoboken kenyochein ge kaat, sait age tugul ago eng' buch, ko u ye kiyaiwech Kamuktaindet! Eng' rani ngot itinye tiyyet ak chi, iboru chamnyetab Kamuktaindet ak inyochi kaat inendet!

## MAONATET NE KIMWACHIN GE

**Mayanii ng'wanindo anan tiyyet kogeeseen! Kou ye kinyoi-  
wa kaat Kristo, ayaei kou noto agane eng' bik alak. Kianyoru  
nyoetab kaat buch, ago agoitoi buch! Amen.**

### TESETAB SOMANET

Kolosaik 3:13

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 15, Mariko 7



**Isaia 54:14**

**Kigimitin eng' imanda; ilooitu eng' ny-  
alilda, amu meiyweisie; ilooitu eng'  
kamuset, amu marikyinin.**

Kasarwekab katumdumet kobwanei kotiem kalyet, ak chametab ge ne kigonech Kamuktaindet. Ye tokyin ge ng'onny kagesunetab ge, ko yome oindet komus boiboyet ak kalyet, ne kigigochi lakwet age tugul ne bo Kamuktaindet. Agot eng' musonoto ko nyolu iegu ne telelot eng' imanda.

Agot nganda kalyet eng' ng'onnyuni, kowalawali ge ama tononot, ko konu Kiptaiyat Jesu kalyet ne ma walaksei, eng' kasarta ne mi katumdumet ak kaimutik. Litit ng'olyotab Kamuktaindet amu mamitei karik che kigeyai che imuchi kong'emin. Ye kainai ge komie ak kit ne kiguurjin Kamuktaindet eng'

soboni, ko tetutik alak tugul che bo bunyot komus kalyeng'ung, kobutos koit ng'onny.

Ineet ge imang'u Kamuktaindet, amu kigobelisieun eng' boriet. Mat ichamji kereretab metit, nyogornatet, ak kaimetab ge, kotwaitwai kalyet ne kigonin Kamuktaindet. Lumeiywondeng'ung' ko Kiptaiyat Jesu Kristo; magimuchi kisiipten!

## **MAONATET NE KIMWACHIN GE**

**Mabotanii ye mi Katumdumet, amu lumeiywondennyu ko Kiptaiyat Jesu Kristo. Eng' kenyini bo chego ak Kumik, ko matin karopon anan koluu, atononi eng' kalyetab Laitoriatab laitorinik! Amen.**

### **TESETAB SOMANET**

Johana 14:27

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 16, Mariko 8



**2 Korintoek 4:16**

**Noto anyun, mameech mugulei; ago agot ngo ng'emak chinnyo ne bo barak, kewalei chinnyo ne bo orit kileeliti betut age tugul.**

Eng' oldab tamirmirik ko initese tai iositu eng' borto, kotesetai tamirmirieng'ung', kong'etu eng' ming'inatenyi! Agot ingotese tai kobegu borwekyok, ko ng'etu tamirmiriet eng' ming'inatet. Noto anyun amu nee, si konyolu karugutetab ge eng' tamirmiriet. Ye irugut ge, ichamjini borto kong'emak eng' banyek, ago eng' yoto kotese tai kogimitu tamirmiriet eng' oring'ung'.

Mi ng'amotik che kiinam konet ge ak kosiach ortinwek, che kimuchi kewee-gen borto, si mates tai koosit. Eng' ka-siaganato ko kinyor ichek kole, mitei

borto tuguk che boisiyenya koteer osindo, nganda maboisie. Eng' tyemutik ko kinyor kora kole, kimuchi keyai tuguchoto mi borto amboisie, si kobit kobois. Oret noto agenge kinyor ko kaimetab borto, si kobiit kong'eet boisetab tuguchoto, ago ma kaimet eng' kereretab met, anan kabwatutik che chang', kobaten birtoetab borto kosiir ole nyolu.

Eng' Bukuit Ne Tilil kegeere kou Musa ne kiit kasarta, ne kiinam koto ming'inatetab tamirmirienyin. Agot eng' osindanyin ko kigerto konyekab Musa, kou che bo chi ne ta ko ming'in. Ko I kristianindet iboisie tuguk che u karugutetab ge, igochi kimnatet tamirmiriengung'. Ye iboisie tuguk che u chuto kigonech Kamuktaindet, ko mweitos mianwogik ak ng'etutik eng' borto!

## **MAONATET NE KIMWACHIN GE**

**Ming'in tamirmirienyun ago nyitaat kimnatet! Ye abirtoi bortanyun, atesetai agimite tamirmiriet eng' orinyun. Amen.**

### **TESETAB SOMANET**

Ng'atutik 34:7

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 17, Mariko 9



**Tienwogikab Kalosunet 50:10**  
**Amu nenyu tiony age tugul ne bo timin,**  
**Ak tuga che mitei tulonok elfut.**

Kiptayat Jesu Kristo, ko Chi ne ma-  
mitei ne kergei, eng' bik tugul che ki-  
tiech ng'ony. Kigonech kabwatutik  
ak kabwatet ne mie, ne tau walutik  
che miach eng' ng'ony, ko u ye kiyai  
agine. Toretech kenai ole kisuldaitoi,  
ak ole kimuktoi tuguk che muutyech,  
ak ole kibenditoy eng' komoswek che  
kagindeech!

Esien igeer ge imi ng'ony mising' kosiir  
ole nyalundoi. Inaam iesie sobet ne  
kergei ak ne bo chi age tugul, amu ma  
I chi age tugul. Kiyain Kamuktaindet  
legu ne ibelisie, rubet ak bananda ko  
mamitei eng' ole kigiyaiten.

Mwoweche Bukuit Ne Tilil kole bo Kwan-  
danyon tuga che mitei tulonok elfut!

Tos inigas iman ko banani Kamuktaindet? Achicha! Kou ye mogori-  
ot Babang'ung, eng' tugul che tinyei inendet, ko kiityakyi ichek che  
isubi inendet. Ma amei kiy agot nda mamitei fedaisiek, anan koteleli  
yaagindet eng' kurgeng'ung', ng'ololjin ateptang'ung'! I mogoriot  
eng' Kristo, itesetai anyun inyoru mogorotosiek!

## **MAONATET NE KIMWACHIN GE**

**Bananda ko chubet. Aesioi noto nguni! Aboisiechini Kamuk-  
taintet, ne ma banani kiy. Kigonon Kamuktaintet kabwatutik  
che techei bandab tai. Magoi abut amu, ma chito ne ibufi.  
Bananda ko ma boto tuguk che atinye! Amen**

### **TESETAB SOMANET**

2 Johana 1:2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 18



**1 Ateptab Betusiek 22:5**

**Ak kile Daudi, Ta ko ming'in werinnyu Solomon, ak ko etyet, ak nyolu koga-raranit mising' got ne keteekyin Jehovah, konyor toogunatet ak torornatet eng' emofinwek tugul: amu noto anyun achopchini tuguk goyoto. Kochob anyun Daudi tuguk ng'isiat kotom kome.**

Miten mwaet ne aragen che epchon it, ne mwaei kole boroinde kotuitos ak chobetab ge. Litiit ne tia mwaoni! Ko I kristianindet ko bo kamanut ichopchi ge, kaberuretab Kamuktaindet eng' sobeng'ung'! Eng' Ng'onnyuni ko mi mwaet kole 'imang'un che miachen ak ichopchi ge che yaachen', kobaten manyolji lakwetab Kamuktaindet mwaet ne u nito!

Eng' kasartab kemeut, ko ichek che kachobok ak kogolso eng' kenyisiekab

ropta, ko choto che nyitatin chagosiekwak, eng' kenyisiekab kemeut. Agot nyonunetab Kiptaiyat Jesu Kristo, ko kiyaache komi che kiindou agobo chobetab nyonunenyi, si kobit kosulda eng' kimnatet boisienyin eng' ng'onny.

Eng' chobetab ge, ko mamitei kit ne kiguurjin Kamuktaindet iyai, ne esioi kosulda. Inaam ichopchi ge katunisionon, boisionon bo Kamuktaindet, mung'aranon imachei inaam, ak tuguchon alak. Taach chametab Kamuktaindet inai komie, ole kichopchindo ge chang'indo, eng' kenyini bo chego ak kumik!

## **MAONATET NE KIMWACHIN GE**

**Achopchini ge che miachen butusiek tugul! Eng' Kenyini ko tugul che kiachopchi ge, kobendi koyiei logoek eng' kainetab Jesu! Amen.**

### **TESETAB SOMANET**

Kalewenaik 24:27

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Johana 7-8



**Josua 23:14**

**Ak ogeero, awendi rani oret ne bendi bik tugul che bo ng'onny: ongen eng' mugulelwekwok tugul ak eng' sobonwekwok tugul, ole ma bet ng'olyo agot agenge eng' tuguk tugul che miachen che kimwa Jehovah Kamuktaindeng'wong' agobo okwek; kiisulda choto tugul eng' okwek, ma bet kiy agot agenge eng' choto.**

Tuguk tugul che kiiyamis kiptayat ichek che isubi inendet, ko kigosulda! Agot eng' noto inyooru kristianik kota komiandos, ko matinyei fedaisiek, anan kobune nyalilwogik eng' sobenywan. Amu nee? Amu chang' che tomo konnaam, kobendate ng'olyotab Kamuktaindet.

Achek Kristianik ko boisienyon kesop, eng' kayomisutikab Kiptaiyat. Ye kiyesie keboisien, ak ketegis ng'olyotab Kamuktaindet, ko ma egu kiy

Bukuit Ne Tilil, kobaten baronok kityo eng' balalenik!

Nyolu kineet ge kinde kayanet ng'olyot ne kiiyamiswech Kamuktaindet, eng' kebeberwek tugul che bo sobenyon. Mwowe ch siretab rani kole, ma bet kiy agot agenge, eng' choto kiiyamis Kamuktaindet. Ye iwendote iman eng' naani, ko ma igeesun kereretab met, ak kaime-tab ge. Tuguk che u mogornotosiek, chametab ge eng' borto, ak borotet, ko ma kayomisutik che berber ago choto ko kayomitusik che kigosulda. Wendoten eng' naet ile tuguk tugul, ko kigitiach kobwanjin!

## **MAONATET NE KIMWACHIN GE**

**Kayomisutik tugul kobun Kamuktaindet, ko kigosulda eng' sobenyun! Rani awendoti eng' naet ale, kayomisutik tugul che bo Kamuktaindet, ko chechuk, ago anamchini ge anyun berurto, eng' komoswek tugul che bo sobenyun!**

### **TESETAB SOMANET**

2 Korintoek 1:20

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Johana 9-10



**Tienwogikab Kalosunet 30:11-12**  
Kiiwal kateennyu koek ureriet; Kiiree-  
gunena kuniet, ak ilaakwa boiboyet: Si  
kobiit kolosun teegistanyu eng' tiendo  
ama sisei. Ee Jehovah Kamuktainden-  
nyu, aweegun kongoi koigeny.

Miten urerietab boiboindo, ne tinyei  
kimnatet kogon walutik. Nyalilwogik  
che chang' eng' Kristianik, kimuchi  
keistoe ge eng' kalosunet, ak boiboindo.  
Mwaei Bukuit Ne Tilil kole menyei  
Kamuktaindet, kalosunoikab bikyik.  
Eng' noto ko ole mitei kalosunet ak boi-  
boyet ne itabanat, ko mi yoto agine  
Kamuktaindet. Ko I lakwetab Kamuk-  
taindet ko, ma isa ak ilosu inendet kityo,  
kobaten yai ko u noto eng' tamirmiriet  
ak iman.

Iboruech siret eng' kebeberwek che  
chang', ole kiboisien kimnatetab

Kamuktaindet, eng' ureriet ak boiboindo. Agenge eng' choto ko ye  
kirataatin Paulo ak Sila. Kinai ichek kole kimi kimnatetab Kamuktain-  
det, eng' ureriet ak boiboindo, eng' korgoret. Ye kityeni ak kolosu  
Kiptayat, ko kiitumdumok lumeiywekab korgoret, ak kiitiagogis karnok  
eng' eunekwak. Kou noto aginye ko mitei Kamuktaindet ole ilosunen  
inendet, ak chobot kotiach karnok che kinaam sobeng'ung', konde  
otwaknatet. Boisien anyun kimnatetab boiboyet ak kalosunet rani!

## **MAONATET NE KIMWACHIN GE**

**Menyei Kamuktaindet kalosunenynun! Aguitosi kimnatetab boi-  
boindo ak kalosunet, agot eng' nyalilda. Eng' kenyini alosu ak  
aboiboenji kosiir kasarta age! Amen.**

### **TESETAB SOMANET**

Tienwogikab Kalosunet 22:3

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 10



**Taunet 1:28**

**Ak kiiberur Kamuktaindet ichek; ak kilenji Kamuktaindet ichek, Oiiye, otesage, si onyi ng'onny; ak obou; ak olai-torane njirenik che bo nyanjosiek, ak taritik che bo barak, ak kiy age tugul ne sobei ne wendote ng'onny.**

Oiiyen ak otesage! Ole o eng' biik, kogeere sirutioni ko kibo Adam ak Awa, ama ingen kole imuchi keboisien, eng' kebeberwek tugul che bo sobetab Kristianik. Kigonech Kamuktaindet kamuget kesopchen sobet, ne bo te-setab ge ak chang'indo.

Nganda noto ko ole makyin Kamuktaindet lagokyik, ko chang' Kristianik che matinyei chang'indo eng' sobenywa, amu tomo konai ichek ung'ot ne bo borotet. Ung'ot noto bo kaberuret ko naet kele, kigonin Kamuktaindet tu-

guk tugul che nyoljin sobondo, ak kaiyweisiet ne kiywei inendet, ak kotesta ge borotet!

Mwaei Bukuit Ne Tilil kole, kigegonin ibou tuguk tugul che soptos eng' ng'onnyuni. Eng' noto ko mamitei chi eng' ng'onny, ne imuchi komus tuguk che kigotiach Kamuktaindet kobwanjin. Wendoten ak katwalet eng' bandang'ung', ingen ile ifinye kabwatutik che bo Kristo, ak mamitei mung'aret anan kiy age tugul, ne memuchi ibou. Kigonin Kamuktaindet ung'ot ne bo borotet!

## MAONATET NE KIMWACHIN GE

**Atinyei ung'ot ne bo borotet! Kiyai Kamuktaindet tuguk tugul kobiit, eng' ichek che iyani inendet. Ma raruon kiy age tugul eng' kainetab Jesu. Amen.**

### TESETAB SOMANET

2 Petero 1:3

### CHERSET KESOMAN BUKUIT NE TILIL ENG' BETUSIEK 365

Somanetab rani: Luka 12-13



**1 Korintoek 14:10**

**U kele, mitei kutuswek che chang' che terotin eng' ng'onny, ama mi ne matinyei kit ne iboru.**

Ng'alek che imwaei komuchi koteech, anan kobut ole itokyini ge! Mwawech Bukuit Ne Tilil kole, mamitei ng'olyot ne matinyei kit ne iboru, yeityo inyoru Kristianik komwaei ng'alek che maiguitos kole, imuchi koyai ng'emisiet!

Eng' oldab tamirmirik, ko matieen ge kit ne ketokyini ge, anan ole imwaitoi, kobaten ng'olyot age tugul ne imwaei, kotinye kit ne iboru. Tinye kimnatet ng'alek, ne eng' yoto igeere sorunet ile kiitach, ye kiing'any kuting'ung'! Ye ibune nyalilwogik che chang' eng' sobengung', iteben ge ile tos ng'alek che u nee, che ing'alali.

Chang' che mwaei kole 'boron kelyekguk', ak alak koguren lagokwak 'oindet', ak ibwati ichek kole mamitei kit ne ya, eng' ng'alalet ne u noto! Matin konyasin, ye inaaam igas ng'wanindo ne o mising', eng' kelyeguk, anan konaam koimin lakwet, agot eng' somanet. Choto tugul ko amu eng' ng'alek che kiimwa, koba oldab tamirmirik. Ineet ge inde kamanut ng'alek che iboisien, ak imwa ng'alek che name ge, ak ng'olyot ne lifit ne bo Kamuktaindet.

## **MAONATET NE KIMWACHIN GE**

**Aribe ge eng' ng'alek che amwaei. Aboisien kityo ng'alek che teeche, ama che butei. Ka ande kamanut ng'alalenyun. Amen.**

### **TESETAB SOMANET**

Kalewenaik 16:24

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 14-15



Luka 15:7

Amwawok ale, egu ko u noto tun agine boiboiyet eng' kipsengwet agobo kiptengekyot agenge ne kasik, ne siirei bik che bo iman tamanwogik sogol ak sogol, che mamage kiy sigunet.

Kong'eeten mestowek, agoi ichek che lelachen eng' kaniset, ko kigiguurok okwek tugul owal sobonwek, kobwanji sorunet. Eng' butusiechu bo let, ak kaimutik tugul che boisien oindet, koteer lagokab Kamuktaindet, si kong'et ichek eng' tengekto ama bwanji sorunet, ko mi muguleldab Kiptaiyat kowalak ichek ak kobwanji inendet. Mwaei Bukuit Ne Tilil kole, o kesisiet, ak nyoljin nguno imande iwe igesisie!

Bo kwong'et ye mwa bik kole maingen, kit ne kiguurji ichek Kamuktaindet koyai. Sirat Bukuit ne Tilil Komie, agot

nda I mogoriot, anan ibononi, ngo I kanetindet, ko okwek tugul ko kigiguurok owal sobonwek kobwanji sorunet

Olda tugul ole imitei, ko yoto ye machei isoru sobonwekab bik. Mat iegu ne etei logoiywek che miach che bo Jesu Kristo, amdech in chi tugul agobo Laitoriatab laitorinik, ak igeer kwang'utik kotese tai eng' sobeng'ung'!

## MAONATET NE KIMWACHIN GE

Ye atesetai aribe boisietab Kamuktaindet, kotesetai koribwan nenyun. Chobot kesisietab sobonwek, ago a kiboiitot. Awendi awalei sobonwek che chang' kobwanji Kiptaiyat, eng' kenyini kosiir kenyit age, eng' kainet ne toror ne bo Jesu! Amen.

### TESETAB SOMANET

Romanik 1:16

### CHERSET KESOMAN BUKUIT NE TILIL ENG' BETUSIEK 365

Somanetab rani: Luka 16-17



**Romanik 12:2**

**Amoyaniege ateptab betusiechu: ago ingewalak eng' kaleelitab kabwatu-tikwok, si kobiit onai komie maget ne mie, ne tachaksei ak kogesunotgei, ne bo Jehovah.**

Kergei bounatetab kipsengwet, ak chito ne kigol keswek che miach, ak ye kiruitos konyo bunyondennyi, ak kogolji chemulbainik ole mi bek. Kalewenoni koboru kergeindo, amu chang' Kristianik che ruitos ago tomo kogesgei boisietab Kamuktaindet.

Ye imache iegu kandoindetab ibindo, ko mamachei ichamji tuguk che iwise kaseng'ung, ne bo Kamuktaindet. Kandoindet ne bo iman, koguitos kamanutiet ne bo kimnatet, eng' kasarwek che bo kipchurjuriat ak beek che mildoge!

Kandoindetab ibinwek ko ma ruei, ago ng'etu ine eng' boisiet agoi kogesgei. Ko u noto aginye lakwetab Kamuktaindet, iesie kaimutik che terei kueng'ung', ak kowisin eng' ole tokyingei boisieng'ung ne bo Kamuktaindet. Mat ichamchi oindet kong'alalun. Igochin chamchinet ng'olyotab Kamuktaindet, komutaten eng' komoswek tugul che bo sobeng'ung'!

## MAONATET NE KIMWACHIN GE

**A kandoindetab ibinwek! Maruei eng' boisiet. Machamchini bunyot koiiman, ak kowiisan eng' kit ne kiguurchon Kamuktaindet ayai. Amen.**

### TESETAB SOMANET

2 Korintoek 6:14

### CHERSET KESOMAN BUKUIT NE TILIL ENG' BETUSIEK 365

Somanetab rani: Johana 11



**Matayo 19:26**

**Ak kogeer Jesu ichek ak kolenji, Maimugaksei ni eng' bik; ago imugaksei tuguk tugul eng' Jehovah.**

Mamitei kit ne maimugoksei, eng' ichek che mi eng' Kiptaiyat! Matiwis ole itokyinigei, kwo katam anan ko tai, kobaten tokyin kereeng'ung' Kiptaiyat kityo. Agot nda ibwoti ile inyalulut ne tian, ko machei inai ile, kiinde Kamuktaindet kimnatet oring'ung' ago isobe, ak ing'etu imi barak eng' kaimutik tugul.

Mat ichamchigei iteer kamugetab Kamuktaindet eng' sobeng'ung'. Agot nda o ne fian bichiindo anan ko kewelindo, inai ile iboisiechini Kamuktaindet ne o mising' kosiir. Ye iguuye ile kimnatet ne tian ne kigoyotun iboisien, ko mamitei kariik che kiimen, che imuchi

kong'emin. Agot nda fedaisiek anan ko mianwogik, ko kigonin Kamuktaindet kabelisiet eng' choto tugul!

Eng' Bukuit Ne Tilil kegeere biik che u Petero, ne ki kainenyi ne tai ko Simon, ak kirogendoen saoset kainanato. Saoset ko botoni eng' koristo ye usei. Ago ye kiinaam Tamirmiriet Ne Tilil boisiet eng' sobetab Simon, kowalak anyun inendet koek Petero ne Koita!

Matin ko ma tononat kiy age tugul eng' sobeng'ung', ko tinyei Kamuktaindet kamuget kowalin, kong'eeten saoset ne botoni eng' koristo, agoi iegu koita ne magitumdumi. Nyiganitun anyun eng' kimnatet ne kigonin Kamuktaindet inye lakwenyi, iyai kit age tugul.

## **MAONATET NE KIMWACHIN GE**

**Amuchi ayai kit age tugul atiengei Kamuktaindet! Kiisto Kamuktaindet sobenyun ne matinyei tononet, ak kowal koek koita ne magitumdumi! Amen.**

### **TESETAB SOMANET**

Luka 1:37

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 18



**Pilipik 3:13-14**

**Che kitupche, maiiti ane ale kaanam: ago ayae kit agenge, autie tuguk che mi let eng' ane, ayogochinige tuguk che mi tai. Agiiljinige tai, ait ole boch meleкто ne bo kuuretab barak ne bo Jehovah eng' Kristo Jesu.**

Kit agenge ne terei biikab Kamuktaindet, komanyor walutik che namaksei, ko uuindanywa koistoe ge tuguk che kigosirto. Nito ko kit ne boisien oindet kogeer kole, karatyi chi ole mainoktoen tuguk che kigobata, ngo che miachen anan ko che yaachen. Ama che yaachen kityo che yaei ole kiibunu koyait, boto che miachen. Aarorwok.

Tos kiinyoru chi ne igaasen ge tuguk che kororon che kigosirto? Igase komwaei kolen, 'kicham ko a chi ne o', anan kole 'kigabelji ge kit koteb kole

kenyisiek tamanwagik aeng' che kigosirto'. Nee choto? Chon, ko ole kiibunu, ak igilegei konomchin ole kigosirto, ak eng' noto koteerin ko mewe tai!

Kong'eeten rani ko matiin koimin kachililutik che kigosirto, anan agot ko tuguk che kororon che kigosirto. Inaam ibelji ge alak che chang' eng' nguni. Mitei meleкто ne o tai, kobaten ne indoito ko iutyen tuguk che kigosirto!

## **MAONATET NE KIMWACHIN GE**

**Ole kiaabunu kong'etu eng' ole kiaabunu! Koboch rani awendi anyoru che chang' kosir, ak mamitei kiy agetugul, eng' ole ki abunu, ne imuchi koek kaimut eng' ole atokyingei, eng' kainetab Jesu! Amen.**

### **TESETAB SOMANET**

Isaia 43:18

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 19, Mariko 10

# GOODNEWS DAILY SPECIALS WEEK

The **GoodNews Daily Specials Week** is where millions of people worldwide tuned in for a spectacular, epic 5-day telecast as we celebrated the global impact of the GoodNews Daily devotional authored by **Prophet Ubert Angel**, and its heroic partners whose extraordinary efforts have helped spread the message of the hour across the globe. **GoodNews Daily Specials Week** with **Prophet Ubert Angel** was an unparalleled event with guest speakers from the United Kingdom, India, Germany, Fiji, America & South/East Africa talking about the impact of the daily devotional globally. This marked a new era of global impact through God's Word, and we can't wait to do it again.



@goodnewsdailydevotional





**Jeremia 51:20**

**Inye ko i aiywennyu ne bo boriet, ak karikab luget: ak atonaton bororiosiek eng' inye; ak abar bounatosiek eng' inye;**

Ibwat Kamuktaindet—inendet ne ibu-re eng' oldanyin bo ge, Kamuktaindet ne bo Kamuktaet, inendet ne kimwa kogeessunet eng' kanamet--- eei kandoindetab kipsengwet ak ng'onoy, kocheng'ei karikab boriet ak eng' yoto, kolewenin iegu aiywenyin ne bo boriet! Aiywetab boriet, ko u kiriswet eng' eunekab Kamuktaindet, kotueen tyemutikab bunyot ye machei kong'em fedaisieguk, katunisieng'ung, lagoguk ak boisieng'ung'. Ye inam tononet ingen ile I aiywetab boriet, imuchi itiol eng' saet, ko u karik che itifoldos ak kong'emis, eng' nganasetab bunyot.

Wendi koboisien kamuktaindet, kosuldaen tetutik ak magutikyik. Inye ne kiigeni ak koganyei yaet komugul kong'anyak. Romanik 8:19 komwaei kole, 'Amu igeni mising' ak koganyei yaet komugul ng'ang'et ne bo werikab Jehovah'.

Ibwat komie ak inam igeer ge, ko I karikab luget ne bo Kamuktaindet. Matinyei bunyot kit age kobaten kolabat!

## **MAONATET NE KIMWACHIN GE**

**Achobot agobo boriet kasarta age tugul, ak sait age tugul, eng' olda tugul. Achobot agobo noto, ago mitei kabelisiyenun eng' Jesu. Aibe logoiywek che bo chametab Kamuktaindet, koba ye lo ak kotesak eng' kainetab Jesu! Amen.**

### **TESETAB SOMANET**

Isaia 41:15

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 20-21



**2 Timoteo 4:7**

**Kiayai luget ne mie, kaagesu labatet,  
kiarib kayanet:**

Agenge eng' magutikab askarikab luget, ko iegu ne chobot kasarta age tugul, ye kiguurjin boriet. Askarindet ne mie ago chobot agobo boriet, eng' betut age tugul, anan ko arawet, anan ko kenyit, koboru kole chopchinetab ge ne bo boriet, ko nyolu ko sobetab kotugul. Askarindet ne mi boriet ko nyolu ko chobot koboris, anan kebar, ago mamitei kwenet eng' noto, yon I chi ne bo boriet.

Nyoljin Kristianindet koguiyo kole mitei inendet boriet. Eng' noto ko nyolu ko chobok kobaibai siridenyin, ne noto ko Laitoriat Jesu. Mwaei Jesu kole, 'Kima olewena, ago kialewenok, ak ki-andeak, ale obe ak oii logoek, si kobiit

kotebi logoekwok: si kobiit kogonok Kwanda kit age tugul ne osome eng' kainennyu'. (Johana 15:16)

Nito ko boisienyon: oba omande, ak owal sobonwekab bik che chang', kobwanji Kiptayat, ak choto che kawalak ko nyolu kong'et eng' Kiptaiyat. Nyolu anyun iib amdaet, ak boisieng'ung eng' Kamuktaiendet, ak saeng'ung, kobunji kamanut ameteste tangoita. Imiten boriet ak kit age tugul ak kariik alak tugul che nyoljin iterterisie, ko kan-yol iyum ak iboisien.

## **MAONATET NE KIMWACHIN GE**

**A askarindetab Kristo. Magenyun ko ayai magutikab inendet ne aboisiechini. Laitoriat Jesu ko Siridenyun. Ilosunot Kiptaiyat! Amen.**

### **TESETAB SOMANET**

Boisionikab che kiyoktoi 20:24

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 19



**2 Timoteo 2:3**

**Nam yamdaet ne bo nyalilda, kou askarindet ne mie ne bo Kristo Jesu.**

Paulo ne kiyoktoi ne totononot eng' Kristo, ne king'emak melit ne kibune konyil che chang', kerat inendet eng' korgoret agobo logoiywek, ak kiinde inendet sobenyin ole ya, si kobiit koamda ng'olyotab Kamuktaindet, eng' komoswek che loen che bo ng'onoy. Eng' iman ko kiyamat inendet koteechi werinyin eng' kiptayat, Timoteo, kolenji konam yamdaetab nyalilda ko u askarindet.

Itinye lewenet iegu askarindet ne mie, anan iegu chi age tugul. Ye igeere kochuutin ng'alek, che imuchi koyain iegu ne ing'eeti chemereret, ko eng' yoto ko ka iegu chi age tugul. Yon I chi ne ibe chemereret ak kaberberisiet,

ne kata ng'olyot ne bo kandoindeng'ung Kiptayat Jesu, ko I chi age tugul. Ye inaam konyigisit saet, ak karugutetab ge, ak kanetetab ge ne bo ng'olyotab Kamuktaindet, eng' yoto ko I chi age tugul. Ngot ing'ete ibuur eng' kanisa saisiek aeng', ko I chi age tugul.

Eng' rani imete sobengung' ne bo Kristo, kobarta sobetab muiatet ak tiseiywotab askarindet. Amewege let, tonon eng' ripset. Tomo kobek kenyitab chego ak kumiat! Iboiboenjini kenyini kou askarindet ne tiegoti eng' kabelisiet, eng' kainet ne toror ne bo Jesu! Ilosunot Kiptayat!

## **MAONATET NE KIMWACHIN GE**

**A askarindet ne tiegoti kwendi tai, ak Jesu ko kandoindenyun. Mamitei wegetab let. Sobenyun ko sobetab baornatet, ak kabeljinetab ge ne bo kutwet, eng' kainetab Jesu! Amen!**

### **TESETAB SOMANET**

Pilemon 1:2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Mariko 11, Johana 12



**2 Laitorinik 6:17**

Ak kisa Elisha kole, Jehovah, asain ale, yat konyekyik, si kogeer. Ak kiyat Jehovah konyekab nerananato; ak kigeer: ak ogeero, ki nyiitat tulwet mbar-tanyisiek ak karisiek che bo mat che kiga yiem Elisha.

Ak kiarogen otwogindetab Elisha, ye kingogeer eng' borto, kogamutyi ichek mbar-tanyisiek, ak karisiekab lugetab bunik, che kimache kong'em sobetab Elisha! Maotiot Elisha ko ki ma chi age tugul. Mamitei maotiotab iman ne bo Kamuktaindet, ne kergeri ak chi age tugul. Maotiot ko kutitab Kamuktaindet ne kigiyook eng' kipsengwet.

Kiingen Maotiot Elisha kole, kitinyei inendet lugenyin ne kigorom mising', kosiir ne kigeere otwagindeneyin. Kiib anyun saetab maotiot koyatagis konyegab

otwagindeneyin, si kogeer komie imanitab kit ne ki u lugenyin. Kima koribe kityok Elisha malaikaisiek, kobaten kibunoti ichek karisiekab mat. Rikynetab maotiotab Kamuktaindet eng' borto, ko ma nyolu koberbeer kaguiyet kole, terchinet ne mi eng' oldab tamirmirik, ko yoto ole mi besieet, ak kimuchi kenyilen elfusiek che chang', loindo eng' oldab tamirmirik. Noto ko imanit ne yaache igonyit!

## MAONATET NE KIMWACHIN GE

Aboisie eng' gotab Kamuktaindet, eng' gonyitet ak kagiletab ge tugul. Ko a kiboitotab Kamuktaindet, ang'etu eng' tegisto ak kaming'inetab ge, eng' ichek che kiginde kondoiwa, eng' boisietab Jehovah, eng' kainet ne toror ne bo Jesu. Amen.

### TESETAB SOMANET

Tienwogikab Kalosunet 68:17

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 22, Mariko 12



**Luka 7:8**

**Agot ane, nganda a chi ne kiboiywa, atinye askarik che abou, ak ngalenji ni, Ui, kwo; ak ngalenji age, Nyo, konyo; ak ngalenji otwogindennyu, Yai ni, koyai.**

Jesu ne kibut atebetab beek, ak kow-endot inendet eng' barak, Jesu inoton ne kinyil makatinik mut, ak njirenik mut, ak kobai inendet bik elfusiek mut, ama kiit lagok, ko ma kwong' inendet, eng' chi anan kiy age tugul, kobaten askarindet.

Atebetab askarindet ko kasetab it, ichek che mi kandoinatet. Askarindet koribei ng'atutikab emet, ak eng' kristianindet ko Bukuit Ne Tilil, ng'olyotab Kamuktaindet. Askarindet ne bo imanit, kogonyiti kandoinatosiek che terjn ak ng'atutik. Tos ichobot rani iegu

askarindetab imanit, ne bo Jesu?

Mwaei Bukuit Ne Tilil agobo bikab Kamuktaindet eng' keny, che kiinde sobonwekwak ole ya, ko kigeere ge ichek ko askarik eng' lugetab Kristo! Egosiechu bo let, ko nyolu konyiit askarik che igitos kole, kimi boriet ak mamitei wegetab ge. Noto anyun ichepchebitu ko I askarindet nemie eng' oldab boriet. Setani bunyondeng'ung, koberberisiei. Mat igochi chamjinet. Teer anyun ole imiten amat ichamji ng'alalet anan ko waletab ge.

## **MAONATET NE KIMWACHIN GE**

**Tononenyun eng' Kiptaiyat ak Sorunindenyun Jesu Kristo, ko mawalaksei. Atonone ko achobot eng' boisiet sait age tugul, ak achobot ko a otwagindet ne iyanat. Amen.**

### **TESETAB SOMANET**

**2 Timoteo 2:3**

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 23, Luka 20-21



**2 Korintoek 4:7**

**Ago kitinye konoruani eng' terenik che bo ng'ung'unyek, si kobiit kobunji Jehovah oindo ne siirtoot mising' ne bo kamuktaet, ago ma achek;**

Kong'eten keny ko kitil Kamuktaindet eng' ng'omnatenyin, kouny konorueta. Ma geer inendet konyolu olda tugul, ma oritab yaholom, tahabu, anan ko peninim, kobaten eng' oritab teretab ng'ung'unyek, ak noto ko chito. Teroni ito bo menet, ko moib konorueta kityo kobaaten kinyor sobondab koigeny (Johana 3:15)

'Koigeny' eng' kutitab Yunanik ko ng'olyot 'aionios', ne eng' kaguiyet ko ng'onny ne matinyei kanamet ak kagesunet---noto ne ki mitei, ak tese tai komitei. Inonito ko sobet ne bo kasarta ne nyone.

Kigegonin sobetab Kamuktaindet! Soboni ko ma kaitit, anan ko burgei kobaten tinye mat. Nito ko ung'otiet, Kristo eng' oring'ung', ne kamang'unetab torornatet! Itinye mat eng' oring'ung', ne imuchi kosoobin, ak koteerin ko mang'emin kiy. Iwendoti, ibuuse, ak isobe ak iiboti gotab Kamuktaindet eng' bortang'ung'. Angen ale megose ko u noto, kobaten yoto ole ibo. Inaam anyun iwendote ingen ko u noto, ameyweisie eng' kenyini bo chego ak kumik!

## **MAONATET NE KIMWACHIN GE**

**Amutoti Kamuktaindet eng' orinyun. Atinyei sobet noto ne bo 'Zoe' ago mabutoksei, ak matinyon kiy, ago ma iterferon kiy. Ye itinyon ibegu, eng' Kainetab Jesu! Amen.**

### **TESETAB SOMANET**

2 Korintoek 5:1

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Mariko 13



#### Ng'ang'utiet 8:4

Ak kitogosta iyetab nyamdutik che kibeelei, koboto sautikab bik che til-ilen, eng' taitab Jehovah eng' eutab malaikaiyat.

Ibwat ole kitaunen tuguk, ole kiteten, ak kituyen tuguk, ak kit kityok ne mang'u eng' yoto, ko maat? Eei, noto ko kaptisisiet—oldab taunetab tuguk che bo tamirmirik, ak yoto ketaunen mat! Yon ichobot ilaal, iboisien ak itau mat, itete iwe kaptisisiet. Yoto igeere che bo kipsengwetisiek, kotuitos ak kipkosobei.

Kaptisisiet ko oldab saet, ole kiborien tuguk tugul che kigonin ng'wanindo, kogesgei ak komieit ole iwendi. Yoto ko ole kigoitoen saet, kou tiseiywot ne lalei ama imisoksei, ak kong'uu ne anyiny eng' Yaindenyo. Yoto ko ye iwalen kai-

mutiguk, ak kogonin Kamuktaindet kamuget. Ko u Hana, sonatet eng' katunisieng'ung, ak fedaisiek kewole koiyo logoek. Yaaksei ko u noto rani, eng' sobeng'ung.

Ye ing'aanye tugeeng'ung eng' oldab mat, eng' gong'ung' anan ko ole ilosunen, ko wendi konyasin Kamuktaindet, ak anyinyindab chego ak kumik rani ak kotugul. Ilosun Kamuktaindet!

## MAONATET NE KIMWACHIN GE

A liblibenetab mat! Icheru sobenyun mat, kobel boisionik tugul che bo bunyot. Kerchiinot maatab Tamirmiriet Ne Tilil kowekyuk, ak tere mianwogik ak kaimutik tugul, si amuch asob sobetab kabelisiet, eng' kainetab Jesu! Amen.

### TESETAB SOMANET

Tienwogikab Kalosunet 141:2

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 24



**1 Timoteo 4:12**

**Amat kosas chi ming'inateng'ung'; ago egu kaborunet eng' ichek che iyani, eng' ng'olyot, eng' atepto, eng' chamnyet, eng' kayanet, eng' tililindo.**

Mitei sait ak kasarta, ak boroinde iro-rorkyi kureeng'ung', ak iyai che bo kwong'et eng' ibindang'ung, ak kasarato ko nguni! Kigeere urerenik che bo tagurguruet, konaami koneti ge ko ta ko mengechen, kongen anyun kole ye ba kenysisiek, ko maboisie talentainato komie, ak ma konu wolutik che kororon. Ngot konaamei biik boisionikwak kota ko mengechen, ko amu nee si ibwat kole, kanaametab amdaet, anan maonatet, anan konefisiet, ko ui amu eng' kenysisieguk?

Kuurset ko sire boisionik alak, amu machei keyai nguni amat kisipto. Tien

ge kasarta, ama kenysisiek che itinye! Mat ichamji menotet, ne unyegei eng' nyogornatet koteerin. Ng'eet ak inaam boisiet ko I amdoinde ne imugat, ne bo logoiywek, ak kotinye maat ne bo Jesu. Ye itiakyigei tamirmirietab Kamuktaindet, kotese tugeeng'ung koityi emotinwek agobo Jesu!

Kimitei eng' betusiek choto che bo let, ak mamitei kasarta. Chee iriaget, eng' sait age tugul. Ong'etyen!

## MAONATET NE KIMWACHIN GE

**A ne kiguur Kamuktaindet, ak kotabanan, si kobiit ayai che echen eng' ibindanyun. Awendi tai ak nyiganatetab ng'etundo, ak asiptoi kiwotosiek, ak awale sobonwek kobwanji Jesu! Amen**

### TESETAB SOMANET

Tito 2:15

### CHERSET KESOMAN BUKUIT NE TILIL ENG' BETUSIEK 365

Somanetab rani: Matayo 25



**Boisionikab che kiyoktoi 7:55**

**Agó kiinyal kipsengwet kochiilji kong' ko nyiitat inendet Tamirmiriet ne Tilil, ak kigeer lilindab Jehovah, ak Jesu kotononi eng' eutab tai ne bo Jehovah,**

Agenge eng' tuguk che ma liit, che ageere eng' kaniset rani ko ibwati biik kole, aechin biik che boisiechin Kamuktaindet. Ogeer tononetab Kamuktaindet ye kigilache Stepano ak koik. Kitonon anyun Kamuktaindet eng' ng'echeretab laitornatet, si kobiit kogeer ng'emisiet!

Ibwat bororiosiek, ak emotinwek, ak nganasok, che ng'eme mising' botanetab ng'onny, ago mayaei kiy Kamuktaindet, kobaten tese tai kobuure, ago ye kigilache Stepano kotonon inendet. Nyolu koborun noto kole, ma kiaechine tugul eng' Kamuktaindet.

Nguni ko kasarta kowal biikab Kamuktaindet, kabwatenywa ne bo biik che boisiechin Kamuktaindet, agonaam kongonyit ichek, ama eng' kergeindo, kobaten kotiengei oindo ne tinyei, eng' chametab Kamuktaindet, ak ole boisioito! Ye maoteni Maotiotab Kamuktaindet kandoikab emotinwek, che chutei ak che mandoi eng' kandoinatet, ko yaache ibwat komie, ole igertoi inendet, ak igonyit mising' chi ne u noto bo Kamuktaindet. Mi bik che boisieshin Kamuktaindet, che walei ateptab biik, ak kotiaktai kiwatosiek. Bik che u choto iywei ichek!

## **MAONATET NE KIMWACHIN GE**

**Ategisi ak agonyiti terchinet ne tinyei otwogik, eng' chametab Kamuktaindet! Agonu ge agonyit ichek kotiengei oindab boisienywa, ak chametab Kamuktaindet ne ibooti ichek. Amen.**

### **TESETAB SOMANET**

Mariko 16:19

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 26, Mariko 14



**1 Laitorinik 1:34**

**ak ingoill inendet eng' oloto Sadok ti-  
siindet ak maotiot Natan koek laitoriat  
ne bou Israel: ak koguut iriaget ak ole,  
Ingosob laitoriat Solomon.**

Mi bik che naatin eng' oldab tamirmirik, che kinam kit ne tos aguuren teknoloji ne bo tiseinatet, ak koboisien koyai kwong'utik che bo Kamukaindet. Kiba kot komandaen angetab saisiej ak kochut oldab tamirmirik, ole kiimuch kowal tugukab tamirmirik, koek tuguk che namaksei.

Kurenech ng'olyotab Kamektaindet laitorinik, ak tisiik (Ng'ang'utiet 1:6), ama maotik ak tisiik! Konu maotiot ng'atutiet koboisien maonatet, ak tisin-  
det kobaisien teknoloji ne bo tiseinatet, ak tinye kelunet kogeer kole kagisub, ng'atutikab maotiot!.

Eng' Kaitosiek 16:47 ko kigatoige koroito eng' bik, ole king'at (kimao-  
ten) Maotiot Musa, ak kiinam Tisiindet Aron kosub, ak kosuldaen ma-  
onatet ne kigang'at Musa. Yon ingen ile I tisin-  
det, imuchi iboisien  
teknoloji ne bo tiseinatet, itononsi miondo ne mi gong'ung, kokwet,  
anan ko nganaset! Teknoloji ne bo tiseinatet eng' oring'ung, kong'eeti  
kamuget ibounisie, ak noto ko kebebertab boisieng'ung ko I tisin-  
det. Kailletab tiseinatet kenyoru eng' saet, nguno in-  
aam iboisien nguni  
ama karon.

## **MAONATET NE KIMWACHIN GE**

**A ne boisien tiseinatetab kaplaitoriat, ne maimuchi kowiswis  
abusnatetab bunyot. Angen ale a ng'o, eng' Jesu Kristo, ak a  
chopchinet ge, etunet ak ami barak eng' tuguk tugul! Amen.**

### **TESETAB SOMANET**

1 Samuel 10:24

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 22, Johana 13



Juda 1:9

Ago ye kingobaregei Mikael, malaikayat ne o, ak oindet, kotiitos agobo mustab Musa, ko ma kany koipchi inendet kiruogetab chubet, ago kile, Ingogerin kong' Kiptaiyat.

Sirutietab rani ko bo kwong'et ne mamiitei age. Kimeat Musa otwogindetab Kamuktaindet, ago Kamuktaindet inegen ne kitub inendet. Ak kegeere kole mi tiyyet ne o, eng' kwenutab Malaikayat Mikael ak oindet, agobo mustab Musa. Noto ko musta ak ko mache mising' oindet, koib kwo oldab maat, asi kochigil inendet boroto!

Tos ki chi nee Musa, kot ko kiyache ki-yook Malaikayat, ama age tugul, kobaten ne o mising', asi koteer mustab Musa amoib oindet? Rubetab Musa, ko ki rubetab tugukab Kamuktaindet.

Bortanyi tugul, ko kiga igesy ge magetab koteben, ole mitei Kamuktaindet. Agoi agot eng' meenyin, ko kiityi kobirchigei bortanyin malaikaisiek. I gotab Kamuktaindet. Eng' keniyini bo chego ak kumik, igochi chamchinet kogesun tugukab Kamuktaindet, ak yaei boriet malaikaisiek, ak kobelisieun eng' iman.

## MAONATET NE KIMWACHIN GE

Lalchin sobenyun, Kiptaiyat. Ole atokyinige ko chobot eng' Kamuktaindet. Ma kowison tugukab ng'onny agot besio. Asubi anyun sobetab kureenyun ne mi barak eng' Kristo Jesu! Amen.

### TESETAB SOMANET

Ng'atutik 34:6

### CHERSET KESOMAN BUKUIT NE TILIL ENG' BETUSIEK 365

Somanetab rani: Johana 14-17



**2 Timoteo 4:7**

**Kiayai luget ne mie, kaagesu labatet,  
kiarib kayanet:**

Eng' kenysiek che kiawendote ak Kamuktaindet, ko kiageer Kristianik che chang', koboiboenjin ak kochuljingei saet ye kaginaam. Dakigosiek che tai mut agoi taman, ko mi barak kimnatet, ak namjin ichek barak saet. Nganda ye tese tai saitab saet, konaam kochorgei kimnatetab saet. Che kainamen bolet ak wagat, igase kosaei eng' tuuget ne mi ng'ony.

Inamwaun kole saet ko ma labatet ne kichokyin, kobaten noto ko labatet ne bo maraton! Ingoik saeng'ung eng' sobeng'ung', ne tononot ak kobo kotugul. Ichoktoi ano ak tos iborien ng'o? Ineet ge itokyigei saet ko u maraton, ak isiptoen kususwek che magigasei, amu

mwai Bukuit Ne Tilil kole 'Ak toreti ko u noto agine Tamirmiriet nyalulennyo: amu magingen kesa ko ye nyolu; ago saiwech Tamirmiriet inendet eng' tigenoik che magimuchi kemwa'. (Romanik 8:26). Labotikab maraton ko ma chopchin ge dagigosiek, kobaten chopchin ge saisiek, asi kobiit kobelis ak kobut ole tetat, yeityo koik ichek che sirei boronik. Inaam iteb ko u ichek rani.

## **MAONATET NE KIMWACHIN GE**

**A tokyinot ge kuurenyun. Alabati labatenyun, eng' kagiletab ge. Boisietab Kamuktaindet ko egosiek tugul eng' ane, ak tuguk alak ko bo besio! Lilindo! Amen.**

### **TESETAB SOMANET**

Boisionikab Che Kiyoktoi 20:24

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 27, Mariko 15



**Luka 18:1**

**Kimwachi anyun kalewenet kole, Kan-  
yol kosa betusiek tugul, amat choriren-  
so;**

Saet ko ma bo mwaitaet, kobaten bo koteechin. Ingotese tai emotinwek koi-ite chang'indab bik, koboisien koitetab metowek, koboisien ine Kamuktaindet oret age. lite Kamuktaindet chang'indab biik eng' bororisiek, ak omotinwek, kotiengei bik che saei. Eng' bororietab bik millionisiek taman, ko ngot ko millionit agenge che saei, ko bik millionit agenge che mi bororionoto eng' Kamuktaindet, ama milionisiek taman. Eng' sirutietab rani, ko ng'atei bik Kamuktaindet agobo kit ne nyolu koyai ichek. Eng' Matayo 26:40, ko kigon Kiptaiyat Jesu ng'ering'indab kasarta ne ibe, kinde saet bukuisiek che mitei

kipsengwet, ak noto ko sait agenge!

Kasarta nguno ikanapte sobetab saeng'ung', kong'eeten dagikosiek mut, anan taman, anan dagikosiek tamanwogik somok, agoi koma-chargei eng' sait agenge, ak noto ko koitet ne mi ng'ony. Kit ne nyolu ko inyoru tetaet, amat imagen kiy ole igostoi kobaten, testai eng' saet agoi inyoru walutik che imache. Igiljingei anyun eng' kenyini bo chego ak kumik. Bwanei walutik mutyo, ak wendi kowalaksei sobeng'ung, ak ne bo gong'ung agine.

## **MAONATET NE KIMWACHIN GE**

**Sobetab saenyun kowendi barak, ago choktoi mising', ak koit  
ole inamwa kiy, koyaaksei, eng' kainet ne toror ne bo Jesu!  
Amen.**

### **TESETAB SOMANET**

Epesoek 6:18

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 23, Johana 18-19



**Komong'u 3:17**

**Ak kiamwa ale, Amutwok otogosu omong'une nyalildab Misri, agoi oit emetab Kananik, Hiitik, Amorik, Perisik, Hibik, ak Jebusik, emet ne nyiitat chego ak kumik.**

Maotik che bo iman, koboisiei eng' olda ne nyiitatin kaborunoik ak tuguk, agot nda tuguchoto ko munyuk, mwanik, beek, sirimdo, kumik, chego ak alak. Inoni ko kenyitab chego ak kumik, ak iboru noto anyinyindo ak tangusindo, ne wendi konyoru sobeng'ung' eng' 2024

Ingomwa kiy Kamuktaindet, kogeere kole kaisulda ak koyaak noto ne kamwa. Kimanda anyun maonatet eng' kasarato ye kingemwa, ko nguno ib kochut mugulendang'ung'. Imanitab kit ne kimwa Kamuktaindet kole inyoru

kenyini, ko magoi koobut, anan kobeet kimnatet.

Eng' Nyanjet ne Birir ye kiarogenjin Lagokab Israel kole, imuchi koweekta ichek lugetab Misri, koba otwoknatet, ko kibaorianji ge ichek kwong'utiet ne mamitei ne kergeri. Kipchei anyun Kamuktaindet beek eng' Nyanjet ne Birir, Koboisien kabusetab serunekyik. Agot nda kergeri ole ibunofi ak Nyanjet ne Birir, ko meng'emaksei, kobaaten nyoru teerchinet baornateng'ung' eng' kainet ne toror ne bo Jesu!

## **MAONATET NE KIMWACHIN GE**

**Anaami aboiboenjini kabelisienyun ko tomo, amu angen ale kaamong' kwong'utienyu, eng' eunekab Kamuktaindet. Wendi koboorugeti eng' kenyini bo chego ak kumik! Haleluya! Amen.**

### **TESETAB SOMANET**

Komong'u 6:6

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Matayo 28, Mariko 16



**Jakobo 5:17**

**Ki chito Elija ne u achek, ak kisa kogiilgei kole si marobon; ak ma robonji ng'onny eng' kenyisiek somok ak arawek lo.**

Ui kibwaat kele Kristianik che chang', koibe sobet eng' tangoita, ama ingen kit ne yaaksei eng' oldab tamirmirik, agobo sobet. Ye iib sobet eng' tangoi, ko eng' let iguotenaksei. Nyumnyum ko u noto. Kobaaten ye isich maget ibaibai Kamuktaindet, inyoruu rubet ne o mising', imakyinigei tuguk che bo tamirmiriet. Chi ne tinyei rubet, ko matinye ine kasarta, anan sait ne tetat ne bo saet, ago inaami ichek kong'alali kutuswek alak, kergeri ingomitei kanisa, anan ko olda age. Ma magen kiy ichek ole mitei, amu magenywa ko kotes tai kochut oritab oldab tamirmirik, ole ma-

gertoi konyek che bo banyek.

Ingoik rubeng'ung' ne bo tugukab tamirmiriet, ama che obortosi ak magutikab borto, ak eng' let iterter magutik choto, eng' kasarta ne bo karugutetab ge ak saet.

Biikab saet ko biik che tinyei rubet koyai mageetab Kiptaiyat. Inoni ko kasarta iib sobeng'ung' bo Kristianindet, komong' eng' tangoi, ak koek ne bo iman, kobunu rubet ne mi oring'ung, ak eng' yoto igeere sobeng'ung' kowalaksei, eng' kenyini bo chego ak kumik.

## **MAONATET NE KIMWACHIN GE**

**Kiy ne ayaei, ak kiy ne amwaei, ak ole ateptoi, kobooru ma-geet ne mi orinyun aboisiechi Kamuktaindet, agoi betut ne weksei inendet! Amen.**

### **TESETAB SOMANET**

1 Laitorinik 17:1

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Luka 24, Johana 20-21



**Luka 5:4**

**Ak ye kingo kagoges ng'alalennyi, kolenji Simon, Ta ikweri moinget kwo ole chang' beek, ak ochoorte regereiywekwok oramisie.**

Mwaei sirutiet ne bo rani kole, ochoorten regereiywek, ama regereiywot! Manyoljin itinyei bajet ne bo fedaisiek, kobaaten nyolu itinye bajet ne bo kayanet. Ongegeer sobet ne bo iman, ak ongemeten kereet ne ming'in, ne u noto boisioito ng'onny, eng' fedaisiek.

Biik che tokyin ge mung'aret eng' iman, konaami mung'aret ko matinyei ichek fedaisiek che kinaamen. Ko I lakwetab Kamuktaindet, ne tinye kayanet noto bo Kamuktaindet, ko nyolu kongen fedaisiek ole imenye! Eng' betusiechu bo let, ko tokyinet kiyaaapta ng'olyot, koityi

komoswek che looen eng' ng'onny. Nganda ng'olyot kigoito buch, ko machei banda ne kibendote, fedaisiek che chang' si kobiit kosulda.

Nyoljin Kristianik kobwaat tai, ak koba koyai mung'aret, si kosich komoswek che chang', che konu fedaisiek ak koyom ichek. Mitei cha-metab Kamuktaindet osich mbarenik, ak oyai mung'arok che terteerchin, ak oegu che besendoi ama che beseni!

Kanapten anyun kayanet kwo barak, ingen ile tinyei Kamuktaindet ortinwek bilionisiek, che imuchi koibuunen bilionisiek kobwanjin. Nguno ichoorte regereiywek kobiit konamuun fedaisiek che chang', eng' keniyini bo chego ak kumik!

## **MAONATET NE KIMWACHIN GE**

**Nguni ko sainyun ak kasartanyun, abarta torornatetab Kamuktaindet. Atirireni ko u kipsichit ago a chobot, agobo boroin-do age tugul, ne imuchi kogon fedaisiek che bo boisietab Kamuktaindet! Amen.**

### **TESETAB SOMANET**

Johana 21:6

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 1-3



**Isaia 40:31**

**Ago nyoru kimnatet ne leel icheget che igeni Jehovah; togostoi kotirirendos ko u kipsichinik; ruaei, ama ng'etos; bendoti, ama nyaluldos.**

Mitei komoswek, che maimuchi kosop bunyondeng'ung'. Ye bortos kipsichit ak ndaret, kongen kipsichit kole mi komie ndaret yon mitei ng'onny. Kamuget ne tinyei ndaret eng' ng'onny ko mamitei ne kergei, ak magimuchi keboi eng' ng'ung'unyek. Ko eng' noto koboisien kipsichit kamugenyin bo loget, ago namei ndaret ak kotiriren kwo barak mising', ole maimuchi kobus tieng'ik alak. Eng' yoto kogeroksei kabusetab ndaret ak kome, amu maimuchi Kobus eng' barak, ak weksei ng'onny anyun kipsichit.

Nguni ko kasarta ikanapte boriosieguk koba olda age. Kanapten sobeng'ung ak kuureng'ung konaakta koba olda age, ak inaaam iib karugutetab ge eng' kamanutiet na nyoljin. Yeten bunyot kabuset amu eng' konuneng'ung', ak itestai eng' kereetab tai, ak kakwautikab toronatetab Kamuktaindet.

## **MAONATET NE KIMWACHIN GE**

**Aboisien kebebaik kou kipsichit, ak atirireni awendi barak asiire katerteret. Atinye malaikaisiek koboton eng' boisioni, ak akanaptoi ge asiire tuguk tugul, eng' kainet ne toror ne bo Jesu. Amen.**

### **TESETAB SOMANET**

2 Korintoek 4:8

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 4-6



**Matayo 13:11**

**Ak kiwolji ichek kolenji, Kagegonok onai ung'otik che bo bounatetab kipsengwet, ago ma kigochi ichek.**

Agenge eng' tuguk che kiboiboenjini eng' karit ne aibrid, ko kamuget kowal keteenyin kotesetai kowendi. Karit ne aibrid kowole kong'eten ketetab mwanik, ak konam koboisien sitimet, kotesetai kowendi. Nganda mi karisiek che boisien sitimet inegen, ak alak che boisien mwanik kityo, aibrid kotinye kamuget koboisien choto tuwai.

I chitab tamirmiriet ne menyei eng' borto ne tinye sobondo. I tiono anyun ne aibrid ne imuchi kowal emofinwek aeng'. Ngo ole imi ak ibune eng' borto ko mami kit ne tesetai, ak eng' boisiet ko magitesun fedaisiek, anan magitesun boisiet ko u ole imaktoi, ko nyolu

anyun iwal iboisien oldab tamirmirik.

Tuguk che tiinye ichek che mi ng'ony ko ma nyolu kotiinyin. Isoben ng'atutik che teer. Amu nee? Amu I tiono ne aibrid ne tinye borot komanda eng' borto, kwo emetab tamirmirik ak koweeksei. Kait kasarta anyun, ne ma nyolu imwachini Kamuktaindet agobo uindab sobeng'ung, kobaaten inaam imwachi uindo, agobo kimnatet ne tinye Kamuktaindeng'ung' eng' kenyini bo chego ak kumik.

## **MAONATET NE KIMWACHIN GE**

**Ye ibwati bunyot kole inaami kobelisie eng' che bo ng'ony, awale anyun awe emetab tamirmirik, ole tetat kabelisienyun, eng' kainetab Jesu. Amen.**

### **TESETAB SOMANET**

Luka 8:10

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che kiyoktoi 7-8



**Matayo 6:22**

**Taitab borto konda; noto anyun, ngo mie kondang'ung', ko nyiitat bortang'ung' komugul lapkeiyet.**

Bo kamanut inai ak iguuye ile, konyek ko tirisiet ne bo tamirmiriet ak sobondo. Choto che igeere, ko konu ng'etyet eng' ole imitei. Ne indochin ole itieche ko konyek, ko tos nee nguno ne igeere? Tos igeere ge ko i chi ne toreti boisetab Kamuktandet ak fedaisiek? Ne walei sobonwek che chang' kobwanji Kiptaiyat? Anan chitab mung'aretab borotet? Kilenji Elija Elisha; 'ye igeer awendi'. Ak kima komwaei Elija kereet eng' konyekab borto, kobaaten konyekab tamirmiriet.

Imuchi konyeguk koib tuguk che mi oldab tamirmirik, amu keere tugugab tamirmirik ko tomo kosulda. Kigiyai

Abram koek kwandab bororiosiek che chang', amu kia kogeer inendet. Tuguk che ng'oi mising', che boisien Kamuktandet ak oindet, ko konyek!

Borot ne tinyei kipsichit ko konyek che keertoi ole lo; kertoi kosiir ole ite konyekab chito konyil sisit. Inaam igeerte ak konyekab tamirmiriet. Che kemuuch igeer, ko choto kobunjin. Keer koosobet eng' bortang'ung', eng' katunisiet, eng' fedaisieguk, eng' mung'areng'ung' ak eng' boisieng'ung', ak eng' iman inyooru.

## **MAONATET NE KIMWACHIN GE**

**Ageere sobetab chang'indo, ak tesetab ge. Nenyun borotet. Bwonjon fedaisiek nguni! Ageere kewale tuguk ak mogornot-osiek, koek chechuk nguni, eng' kainetab Jesu. Ilosun Kamuktandet!**

### **TESETAB SOMANET**

Luka 11:34

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 9-10



**Obadia 1:17**

**Ago biitu che chilidos eng' tulwetab Sion, ak kotililit; ak konam gotab Jakobo tugukab bichoto, kobunji.**

Banda kong'eeten Misri agoi Kanan, ko oretab betusiek artam. Ago kiib anyun lagokab Israel kenysiek artam, koombenoti eng' ong'atet. Ki ageer biik koombenoti ak kong'et buch, nganda kioombenot Josua agoi konyoor inendet bunjinet. Kinyor anyun bandanyiin walet ak tasetab tai.

Maiyan Josua kaimetab lelutik che kigosirto koiim kereenyin. Ki tinye inendet tokyinetab ge eng' bandanyin, konyor bunjinet eng' Kanan. Mat ichamchi etuneng'ung' eng' tamirmiriet, konyor kaimet.

Rani amaotenun ale, nyoru bandang'ung walutik che toogu. Ma

egu buch kagiletab ge ne itinye. Magoi iegu ne ombenoti eng' ole itokyinigei. Ame egu agenge eng' che manyoru ole teben eng' bandanyan. Ang'alali nguno eng' Tamirmiriet ale, betusieguk che bo ombenetab buch, ko kagogeesskei! Kong'eeten nguno ko nyoru bandang'ung' walutik che toogu. Iwendi kong'eeten maonatet, agoi kasuldaet eng' kenyini bo chego ak kumik!

## **MAONATET NE KIMWACHIN GE**

**Kiaterteer ng'onny ak anamji ge tuguk chechuk, ak mamitei betut ne betwon fedaisiek eng' sobenyun. Ole ibeligei biik, awendi abelisie. A kristianindetab kaborunet, ak atinye kimnatet ak bounet! Ilosunot Kiptayat! Amen.**

### **TESETAB SOMANET**

Tienwogikab Kalosunet 69:35

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 11-12



**Josua 2:1**

**Kiiyokto Josua weritab Nun bik aeng' eng' Sitim koba eng' ung'ot kosegei emet, kolenji, Oba ogeer emet, ak Jeriko. Kiba anyun ichek, ak kiit gotab chepkugoniot, ne ki kainennyi ko Rahab, ak kiruiyo yoto.**

Hear me and hear me well: this is the Ogasan ak ogasan komie, inoni ko kenyitab chego ak kumik ne kigonech Kamuktaindet. Ma lelut; kimong' maonattet ak nyolu iyaaen boriet. Maonattet ko kariikab luget, ak nyolu iboisien iyaaen boriet! Ye imetei maonattet ameite kiy, kotese tai anyun boriet koterteeri ole itokynige!

Amwae ale magoi ibut eng' ole kiibuten kwansieguk. Magimuchi keteerin eng' ole kigitereen kwansieguk. Me roru eng' ole kirarune ichek che kiindoita.

Mateerin tuguk choto che kiteer kwansieguk. Me yaei lelutik che kiteer ichek che kiindoita, ko manyor tuguk che kimakyin ichek Kamuktaindet. Che kiim bik alak, ko ma iimin.

I butindetab kergeindo, butindetab kiwatosiek, isire borowet, isiptoi tulonok, ak ifinye kimnatet eng' tugukab tamirmirik! Mwa ko u ni eng' tuuget ne mi barak, 'a bo ibinda ne isuldaen tuguk che kima imuch kosuldaen ichek che kiindo'. Amen!

## MAONATET NE KIMWACHIN GE

**Amitei eng' sobetab chego ak kumik nguni ak kotugul! Inatwau, kotwau malaikaisiek, inatwegu ageerei imanitab ng'alekyuk. Nyiitat baornattet sobenyun, agobo torornattetab Kamuktaindet! Amen.**

### TESETAB SOMANET

Jakobo 2:25

### CHERSET KESOMAN BUKUIT NE TILIL ENG' BETUSIEK 365

Somanetab rani: Boisionikab Che Kiyoktoi 13-14



**Hebranik 13:15**

**Noto anyun ongigochi Jehovah eng' inendet korosiotab kalosunet kotugul, noto ko logoiyatab kutuswek che ng'anyei kainennyi.**

Ole kilosundoi, ak logoiyatab kutuswekyok, ko korosiot. Inaame kalosunet eng' kasarta ak ma nyolu kobek. Nyolu koek kit ne tese tai amu katororetab Kamuktaindet, ko kit ne matinye kageesunet.

Daudi eng' Bukuit Ne Tilil, ko ki chitab kalosunet, ne ki ingen kotiiny muguleldab Kiptaiyat, ak kimwa Kamuktaindet kole, bo kamanut inendet eng' mugulendanyi. Ichuute kalosunet Kamuktaindet koriikyin, amu mwaei ng'olyot kole, menye inendet kalosunetab biikyik.

Mieindab kalosunet ko ichuutin iriky Kamuktaindet, ak igas muguleldanyin.

Ye ilosu Kamuktaindet, kotororaksei eng' muguleldang'ung. Ye ilosu Kamuktaindet koegu iman baornatosiek. Mi tesetab tai eng' tamirmiriet ingiloos ak kitoroor Kamuktaindet, bendi barak korosekab kutuswek ak choru ge berurtab Kamuktaindet.

Kalosunet ne bo bik ko ibe kebeberta ne bo kamanut, eng' muguleldab Kamuktaindet ak maimuchi koityi noto fiong'ik alak. Testai ilosu ak iforore kainetab Kamuktaindet, ak mweitos kaimutiguk eng' kainetab ne toror ne bo Jesu.

## MAONATET NE KIMWACHIN GE

**Aforore ak alosu Kamuktaindenyu eng' sobenyun tugul, ak sobondanyun tugul ak bortanyun tugul! Ilosunot Kiptaiyat! Amen.**

### TESETAB SOMANET

Tienwogikab kalosunet 119:108

### CHERSET KESOMAN BUKUIT NE TILIL ENG' BETUSIEK 365

Somanetab rani: Jakobo



**1 Korintoek 15:57**

**ago kigochini Jehovah kongoi, ne konech kabelisiet eng' Kiptaiyandenn-  
yo Jesu Kristo.**

Kamugetab Kristianik, kenyoru eng' ter-  
chinetab kimnatenywa. Sobetab Krisi-  
tianik ko ma biitet kobaaten chamnyet  
ak Kamuktaindet. Biitet ko yome koityi  
Kamuktaindet, ak koywei neregekyik.  
Noto ko teerchinet eng' kristianik amu  
kingen kele, kiboisiechini Kamuktain-  
detab chamnyet, ak rirge, ne eng'  
kimnatenyin, ko kiityi chito. Ye kita ko  
ki kiptengekinik, kome Kristo agobo  
achek. Tos chamnyet ne u nee ne ki-  
goonech Kwanda, kot kegurenech  
lagokyik.

I lakwetab Kamuktaindet ne kigisisigu  
eng' tamirmiriet, ama eng' magutik-  
ab chito, anan ko banyek kobaaten

eng' Tamirmiriet Ne Tilil. Noto ko teerchinet ne itoboonin. I yautiet ne  
leel eng' Kristo, ak imitei ng'ony, ame bo ng'ony. Ibo oretab biik che  
teer, che indoo magenywa baragutab tugukab ng'ony. Ma bo so-  
beng'ung' abusnatet, ak magetab tuguk, kobaaten bo bounet, ak  
kimnatet ak borotet.

Sob sobeng'ung', ko I kabelindet ak kandoidet. I bo laitornatet ak  
nyolu iteb ko u noto, eng' kenyini bo chego ak kumik!

## **MAONATET NE KIMWACHIN GE**

**Awendoti, ak ang'alali, ak atwau ak atinye sobenyun eng'  
Jesu Kristo. Mamitei kit ne betoot, ak mamitei kit ne rarunot.  
Agesunot eng' Jesu! Amen.**

### **TESETAB SOMANET**

Romanik 8:37

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 15-16



**Epesoek 1:13**

**Kiogas ak okwek eng' inendet ng'oly-otab imanit, logoiywek che miach che bo yetuneng'wong' - eng' inendet, ne kingo kaoyan, ko kiging'ochak eng' Tamirmiriet ne Tilil ne bo arurutiet.**

Kingoil Maotiot Samuel, Daudi koek laitoriat Israel, konyonji tamirmirietab Kamuktaindet Daudi (1 Samuel 16:1-13). Eng' Arurutiet Ne Leel kiaroru Tamirmiriet Ne Tilil ko tamirmiriet ne kig-indaenech ng'okset, agoi betutab katiaget (Epesoek 4:30). Kigiil anyun Daudi koek laitoriat, ak kigichundeche inendet anyun tamirmirionoto boisie eng' ng'okset. Manyoor kaiiletab mwaita kityo kobaaten kinyoor ng'okset, ne kiyai inendet koek chi ne matiinyoksei.

Amearogen. Mat ibeet ruondo amu eng' magornatetab bunyot. Mat

ibotan agobo tetutik che bo oiik. Ng'ochat mung'areng'ung', ng'ochat boisieng'ung', ng'ochat lagokuk, ng'ochat fedaisieguk, ng'ochat kureeng'ung', ng'ochat gong'ung ago ng'ochat so-beng'ung'. Amu, ne itiachi anyun Weritab Chi, kotiagat iman!

Ingenin Kamuktaindet, siraat Kaineng'ung' eng' rubeitab eunekyik, ak imitei ole keerin. Mamitei kit ne imuchi koyaun ne ya, anan kong'emin. Ko anyun ionde oindet kolabat, ak iboiboenji amu ing'ochat! Ilosunot Kamuktaindet!

## MAONATET NE KIMWACHIN GE

**Sobeet ne asobei nguni ko mi eng' Kristo, ko kiging'ochan ak Tamirmiriet Ne Tilil; maimuchi kotiinyon kiy; ago marumakseil Amen.**

### TESETAB SOMANET

Kalatiek 3:14

### CHERSET KESOMAN BUKUIT NE TILIL ENG' BETUSIEK 365

Somanetab rani: Kalatiek 1-3



**Pilipik 4:6**

**Amogereri met eng' kiy age tugul; ago eng' kiy age tugul ko eng' saet ak som-et koboto kongoi, ingonaak somutik-wok eng' Jehovah.**

Mi tuguk che imakyini ge eng' yetuneng'ung ne bunu saet. Ibwat ile saet ko ma bo inyorunen ng'alek, kobaaten bo yetuneng'ung. Nyolu inai ile bendi saet, ak chobetab ge. Nyonei kaimetab ge eng' saet yon mechoboge.

Matiin kondooun tamirmiriet, ko nyolu anyun ichop ge agobo saeng'ung'. Tebee ge ile tokyin ge ano saanoto. Chop anyun tuguk che imache isochi ko tomo isaa, si ye inyoru walutik, inaei anyun ile kagewalun somutiguk.

Kasarta age ko mache karugutetab ge, ye inaami iboisien kimnatetab saet.

Kuuret ko tinyei boisionik che terterchin, ak imakyini ge kimnatetab saet, ak karugutetab ge, si yomu boisioniguk.

Saet ak kayanet kobendoti tuwai, ak anyun ye isochini karit, got, boiset anan ko katunisiet, igeer ile itinye kayanet ne u ne bo Kamuktaindet, si kobiit inyoru choto ko u eng' someng'ung. Saet ko konu tuyet ne kiim mising' ak Tamirmiriet Ne Tilil, ak nyoljin igeni kong'alalun Kamuktaindet eng' kasartab saeng'ung'.

## **MAONATET NE KIMWACHIN GE**

**Ye asaei kowalu Kipsengwet. Atononi eng' kwenutab che bo Kipsengwet, ak che bo bik, ak aboisien kimnatenyun, ak bounenyun kobun saet, eng' kainet ne totor ne bo Jesu! Amen.**

### **TESETAB SOMANET**

Daniel 6:10

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Kalatiek 4-6



**1 Korintoek 15:4**

**ak kigitub; ak kiging'eet eng' betutab somok ko u ye mwaei sirutik;**

Agot eng' kang'ung'unyet ak ng'alalet agobo atebeenyin ne mamitei ne ker-gei, ko kimache Jesu betusiek somok kityo, koborchi ichek che kima koyoni inendet kole, iman ki Kamuktaindet eng' borto. Betusiek somok kityo che kimakyin ge kobarta besiet, eng' tamirmiriinyin bo kipsengwet ak atebeenyin eng' borto, ak kiyai anyun ko u noto, ne mamitei kergeindo.

Maimuch kaborunoik che kiyai Jesu, koyam ichek che kima koyoni inendet, agoi betut ne kigigartaat, ak kome ye-ityo ketub, ak kong'eet, choto ko eng' betusiek somok. Koyan anyun kole iman ki Mesia.

Kinamji barak Jesu kamang'unet. Magutik che kigimakyin ge eng' chigilenyin, ko tuguk che ki tomo kai key-aei. Imuchi kome chi, ak kong'eet age inendet, kobaaten mamitei ne kigomuuch kong'eet ge inengei eng' meenyin!

Kristianik che chang' ko ma kele tokyingei ye lo mising' amoityin, kobaten tokyingei ye negit agoityi! Ineet ge itokyi ge ole lo eng' so-beng'ung'. Tokyiin ge ye lo eng' gong'ung, kureeng'ung, lagokuk, fedaisieguk ak tuguk cheguk. Siirei yamet Kamuktaindet. Inendet ko Kamuktaindetab kanyiiyet ak koranda ge. Iyan anyun inendet ak yaei kosulda!

## **MAONATET NE KIMWACHIN GE**

**Atokyinige ye lo, anam konunotiot ne bo kureenyun bo Kamuktaindet. Eng' nito abelisie! Amen.**

### **TESETAB SOMANET**

Hosea 6:2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 17



**Johana 1:1**

**Eng' taunet ko kimi Ng'olyondet, ak  
kimi Ng'olyondet ak Jehovah, ak ki Je-  
hovah Ng'olyondet.**

Kaborunet age tugul, ko tiengei ng'oly-  
otab Kamuktaindet. Ye kiamdoi ng'oly-  
otab Kamuktaindet ko ma amu yachei  
kiamda kityo, kobate kibaarta kimna-  
tetab ng'olyondenynin.

Magoi keguuren oindet, bunyot ne  
bo Kamuktaindet, amu o mising'  
Kamuktaindet kosiir. Matinyei bunik, ak  
mwawech Daudi eng' Tienwogikab  
Kalosunet 110:1 kole, 'Kalenji Jehovah  
Kiptaiyandennyu, Tebe eunnyu ne bo  
tai, Agoi ayai buniguk koek ng'echere-  
tab kelyeguk'. Ibwat Kamuktaindet  
eng' Kamuugenynin ak etunatenynin,  
kotinye bunyot, ak noto ko oindet ne  
kitigin! Agot ye kimi boriet eng' kipsen-

gwet, ko kites tai anyun Kamuktaindet kobuur eng' laitornatet, ak ki-  
borien anyun Mikael ak malaikaisiek alak, oindet.

Iboisiechini Kamuktaindet ne imuchi koberurin mising'. Yaaksei ko u  
noto nguni, ye itese tai isomani kayaktaindoni bo maonatet! King'alaal  
Kamuktaindet ak kiyaa ko u noto. Kimwa kole 'ingolapket!', ak ki-  
lapkeit. Ak eng' noto amwae ale, nyonjin borotet sobeng'ung rani!  
Chamcham anyun anyinyindab chego ak kumik nguni, eng' kainet ne  
toror ne bo Jesu, Amen!

## **MAONATET NE KIMWACHIN GE**

**A chi ne boisien sirutik. Bunu boiboyenyun sirutik, amu angen  
ale boisiei ng'olyot. Ang'etu anyun eng' ng'olyot, ak aweksei  
ak baornatosiek! Ilosunot Kiptayat! Amen.**

### **TESETAB SOMANET**

1 Johana 1:1-2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 & 2 Tesalonikek



**Tienwogikab Kalosunet 42:1**

**Ko u ye isyenyi teweretiot agobo kere-rusiekab beek, Ko u noto isyenyi sobondanyu agobo inye, ee Kamuktaindet.**

Tesetab tai kimuchi kegeer eng' tuguk che miach, anan ko che yaachen, eng' oldab tamirmirik. Kitesese tai kerong'uech teknoloji che chang', ak boisien oindet alak eng' teknoloji ichoto kobarta, ak kotese tai magutikyik. Ak anyun eng' betusiechu bo let, ko nyolu itau rubet ne bo tugukab Kamuktaindet.

Rubet ko tuyot ak tesetab tai. Someng'ung ne bo betut age tugul ko nyolu ilenjini Kamuktaindet, koib tuguk tugul, ak ko konin rubet kityo! Kit ne ishororchini, ko noto ne ibaru kamanutietab rubeng'ung. Rubetab tuguk-

ab Kamuktaindet, rubetab kureeng'ung', rubetab waletab sobonwek kobwanji Kamuktaindet.

Kit ne iistoenge, ko noto anyun ne isiche kimnatet isiir. Ye wo barak mising' eng' oring'ung' rubetab tugukab tamirmiriet, iegu chitab mat, ak iegu chi ne bo boriet!

Yai boriet anyun eng' tamirmiriet, ama eng' borto. Amechoriren eng' sobetab saet, ak boisetab kureeng'ung'. Igun ne mitei eng' kit age tugul ne yaei Kamuktaindet, eng' betusiechu bo let, ak togu kabe-lisieng'ung, eng' ole keere chi tugul!

## **MAONATET NE KIMWACHIN GE**

**Kigogeswan kagilenyun bo ge eng' Kamuktaindet, ak ki aalage agesyi ge Jesu. Sobenyun eng' Jesu ko nyiitat boiboyet ak kalyet. Atese tai anyun abaoriani eng' kainet ne toror ne bo Jesu! Amen!**

### **TESETAB SOMANET**

Tienwogikab Kalosunet 119:20

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 18-19



**1 Johana 5:4**

**Amu age tugul ne kigesich eng' Jehovah koterteri ng'ony: ak ni ko katerteret ne iterteri ng'ony, noto kayanenno.**

Mwachin ge nito eng' ole imitei nguni ile, 'Kigesichon eng' Kiptayat; ak kiater-teer ng'ony. Kigoterteer ng'alekyuk, kabwatutikab oik. Sobenyun eng' Kris-to ko mi barak. Loitu rarunet eng' ane. A kabelindet ama ne kibeli, ak asobe sobet ne nyiitat berurtab koigeny!' Ilosunot Jesu!

Igeere ile Bukuit Ne Tilil ko ma Bukuitab biifet. Bo imanda eng' sobeng'ung. Noto nyun amwaei ale ibaibaitu amu boisie ng'olyot! Nyolu koobor sobeng'ung imanitab berurtab koigeny eng' Jesu. Nyolu koboisiei soromoguk Komie. Kobire muguleldang'ung korotik komie. Nyolu kogeertoi konyeguk

komie, ak ma nyolu kochorirensa. Nyolu kosub kebeberwek tugul che bo bortang'ung, ng'olyotab Kamuktaindet. Nyolu boratet eng' mung'areng'ung'. Nyolu kobwanjin fedaisiek ko u ye keng'at. Me tnye bunjinet ak bananda.

Logoiywek che miach che kiamdoi, komaang'un eng' bananda ak inyoru borotet. Agot eng' ye isomoni nito rani, kobaru kole yaaksei kit ne mie agobo inye. Itese tai inyoru walet eng' lilindo ne o, ak boiboenjin anyun!

## MAONATET NE KIMWACHIN GE

**Kigesichon eng' Kamuktaindet ak mabuti eng' kiy age tugul. A kabelindet amu abelisie eng' tuguk tugul che ayae. Amen.**

### TESETAB SOMANET

1 Johana 4:4

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Korintoek 1-4



**Kalewenoik 10:15**

**Magornatetab magoriot ko nganasen-  
nyi ne kim: Ng'emisietab kibananok ko  
banandanywa.**

Bik che chang', ak mising' ko Kristianik, ko tinye kereet ne teer, eng' fedaisiek ak mogornotet. Yom iguye ile bananda ko karik! Nyone bananda kobar biik, ago ye nyonji bananda ichek che magorek, koboisien anyun ichek fedaisiek koriib ak koteer ge. Ago ye nyonji bananda kibananok, ko matinye ichek fedaisiek che teree ge, ago nyoru anyun ichek nyalilda.

Kristianik alak korogendoen tililindo, bananda ak sobetab somseet, koek choto kaiweet ne kiywei Kamuktaindet. Inoni ko lelut, ago imuchi kogon ng'emisiet, amu yon mamitei fedaisiek ko kairiky meet!

Ko I Kristianindet, inam kabwatet ak kamuget, itaach fedaisiek che kiboisien ke teseen bounatetab Kamuktaindet, ak kobois kora koterin amoityi bananda gong'ung', katunisieng'ung', kaniset ak nganaset. Konin fedaisiek kasarta, isaachi Kamuktaindet. Ko anyun ichop ge iteer bunyot, ama eng' saet kityo, kobaaten iteste kimnatetab fedaisiek, iyai che echeen eng' betusiechu bo let, eng' kainetab Jesu!

## **MAONATET NE KIMWACHIN GE**

**Aesioi teeret ne mi eng' bananda. Ateere ge ak gonyun, aboisien fedaisiek koek ng'otwet. Ataache chang'indo ne kiteseen boisietab bounatet. Iberurot fedaisiekyuk, ak awendoti eng' borotet ak nyorunet ne itabaanat. Amen!**

### **TESETAB SOMANET**

Kalewenoik 18:11

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Korintoek 5-8



**Pilipik 3:13-14**

**Che kitupche, maiiti ane ale kaanam: ago ayae kit agenge, autie tuguk che mi let eng' ane, ayogochinige tuguk che mi tai. Agiiljinige tai, ait ole boch melekto ne bo kuuretab barak ne bo Jehovah eng' Kristo Jesu.**

Kit agenge ne terei bikab Kamuktaindet komanyor walutik che namaksei, ko uuindanywa koistoegei tuguk che kigosirto. Nito ko kit ne boisien oindet kogeer kole karatyi chi ole mainaktaen, tuguk che kigobata, ngo che miachen anan ko che yaachen. Ama che yaachen kityo che yaei ole kiibunu koyait, boto che miachen. Aarorwok. Tos kinyoru chi ne igaasen ge tuguk che kororon che kigosirto. Igase komwaei kolen, 'kicham ko a chi ne o', anan kole 'kigabelji ge kit koteb kole

kenyisiek tamanwagik aeng' che kigosirto'. Nee choto? Chon, ko ole kiibunu, ak igilegei konamchin ole kigosirto, ak eng' noto koteerin ko mewe tai!

Kong'eeten rani ko matiin koimin kachililutik che kigosirto, anan agot ko tuguk che kororon che kigosirto. Inaam ibelji ge alak che chang' eng' nguni. Mitei melekto ne o tai kobaten ne indoito, ko iutyen tuguk che kigosirto!

## **MAONATET NE KIMWACHIN GE**

**Ole kiabunu kong'etu eng' ole kiabunu! Koboch rani awendi anyoru che chang' kosir, ak mamitei kiy agetugul, eng' ole kiabunu, ne imuchi koek kaimut eng' ole atokyinigei, eng' ka-inetab Jesu! Amen.**

### **TESETAB SOMANET**

Isaia 43:18

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Korintoek 9-11



**1 Timoteo 3:15**

**Ago ngot agage, imuchi inai ole kanyol kotepto bik eng' gotab Jehovah, noto kanisetab Jehovah ne sobei, toloita ak irimetab imanit.**

Sirutiet ne kiyaaten rani komwae kole, mitei atepto ne nyolu kofinye bik, eng' gotab Kamuktaindet. Magutiet noto, ne mie ne nyolu kosub Kristianik tugul. Igeere ile kigigurech ke egun laitorinik, ak tisiik ak eng' noto ko nyolu ketebii, eng' oret ne iboru teegisto eng' mitun-etab Kamuktaindet ne mi orinyon, ak ketononjini.

Che kitupche, ye otese tai ochute orit mising' eng' Kamuktaindet, kotese tai anyun ko marigitu atebet ne manyolu. Iwalaksei eng' ole kicham iteptoi—igai-gaitu! Nyasin anyun inaami inae kole, ma mie atebeng'ung', inaami inaei

kole, ma kararan kalogutiguk eng' kaniset, ak inaami inae yon me ng'alalji bik komie. Noto ko magutiet ak etunatet ne nyone ye kimwaitaen Kristo.

Kong'eete rani igilji ge iyai ne mie, eng' ole iteptoi, ak eng' ole imwachindoi bik alak, agobo Kristo.

## **MAONATET NE KIMWACHIN GE**

**Ko a laitoriat ak tisiindetab Kamuktaindet ne mi barak, amwachini ge tokyinet ne leel. Anaami amwaitoi Kristo eng' oret ne kaikai, haleluya!**

### **TESETAB SOMANET**

Romanik 1:9

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Korintoek 12-14



**Johana 14:15**  
**Ngot ochama, oribe ng'atutikyuk.**

Maui chamnyet ko u ole ibwatitoo bik. Eng' aroronet ne terter, ko chamnyet ko kisiiben boisionik, ole igastoo ak im-waei eng' ng'alalet. . Eng' Kamuktaindet, ko kaborunetab chamyeng'ung eng' inendet, keriiib ng'olyondenyi, ak kibarta chamyenyin ak atebenyin. Sobenyin ak ole tep-toi eng' oring'ung'—imandanyin eng' inye—koyaei sobet koteta ak kowisisit. Imuchi ibaibai Kamuktaindet eng' betusiek tugul ama eng' birtotab ge. Ib-wati che chang' kole, initien tiendo ne anyiny ne bo katororet, eng' muguleldang'ung' tugul, ak irugute ge, iriire, ak igase nyigisindo eng' oring'ung, ko kaiborchi Kamuktaindet chamyeng'ung. Ole kiborundo kotiengei siret,

ko kesop eng' ng'olyot; noto anyun kobaru kole ichamei inendet. Amu nee anyun si me naam isop eng' magutik, ak arorutikab Kamuktaindet rani? Noto kobaru eng' yamet kole ichamei inendet!

## **MAONATET NE KIMWACHIN GE**

**Asubi ng'olyot age tugul, ne konu Kiptaiyat Jehovah Kamuktaindenyun, ak noto kobaru kole achamei inendet. Ng'atutikyik ko sobet eng' ane, ak aberurot kemwaitaena inendet! Amen.**

### **TESETAB SOMANET**

2 Johana 1:6

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Korintoek 15-16



**Tienwogikab Kalosunet 16:11**

**Iborua oretab sobondo: Mi kagasetab  
ge taing'ung' ne nyiitat; Mi eung'ung'  
ne bo tai che kechamei agoi koigeny.**

Ma king'etitoi sobetab kristianik. Koteer  
ak ole ibwatitoi ng'onny—ko chamnyet  
ak Kamuktaindet ko kit ne ma king'et-  
ittoi!

Keer komie sirutietab rani. Mwaei kole  
eng' taitab Kamuktaindet kiborun oret  
age tugul, ne iwendi—mamitei kachil-  
ilutik. Ama bekyin yoto! Mi kagasetab  
ge ne nyiitat, ak che kichamei ge kot  
kobek sobet! Mwowon anyun ile tos  
keng'etita ano chamnyet ak Kamuk-  
taindet? Tos imukte ano, otuye ge ak  
bik che ma choto, ocheng'e boiboind-  
ab ng'onny? Utyen chamiosiekab bikab  
ng'onnyuni, che maite ui, ago bwa-  
nei ak ng'wanindo, ye igees ge. Eng'

Kamuktaindet ko mitei che kechamei ge ne ma kimwoe—sobet ne  
anyiny ne matinyei kaimetab ge!

Kong'eete nguni iyai yamdaet ak Kamuktaindet kondaita. Tokyin ge,  
ineetgei ng'olyotab Kamuktaindet. Itabaan anyun kasarwekab saet  
eng' betusiek tugul, ak inyooru boiboindo eng' kasari bo Krismas ak  
kosiir!

## **MAONATET NE KIMWACHIN GE**

**Asobe sobet ne anyiny eng' Kristo! Ng'eteet, kamung'et  
ne mamitei, rorunet ak museetab mefit, ko magoi koityi so-  
benyun, eng' kainetab Jesu! Amen.**

### **TESETAB SOMANET**

Job 36:11

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Korintoek 1-4



**1 Petero 2:9**

Ago okwek ko o bororiet ne kigelewen, o che boisiei eng' tiseinatet ne bo kaplaitoriat, bororiet ne tilil, bik che bunjin Jehovah, si kobiit obarte telunatosiek che bo inendet ne kiguurok omong'une mesundeito omong'ji lapkeiyennyi ne kikweng'e.

What a powerful scripture this is, praise Ile kiim ne tian sirutioni, llosunot Kamuktaindet! Tos ogeere kit ne mwaei nito o che kitupche? Eng' arorunet, ko kinyo Kamuktaindet ko cheeng'in inye, eng' kainet, konyorun eng' kwenutab mesundeito, komong'un anyun eng' urityet ne kiga mutyin, ak koyain iegunenyin—ibunji lapkeiyenyin! Tos chamet ainon noto bo Kamuktaindet!

Imuktoii ano itep ko u chi tugul, ago kigeonda mesundeito, koisto ge eng'

inye? Imukto ano kotebe oring'ung mianwogik, ye itese tai isobe eng' lapkeiyet, ne kararan ne bo Kamuktaindet? Mat ochut ge ak ng'ony, eng' tugukwak che ma bo kayanet. Tos kiigas bik komwaei kole, 'aletyeni?' Koten ko ta ko mi eng' mesundeito, ko ma letyendos ichek anyun. Achek che letyendos! Age tugul ne kiyan, ak kotaach Jesu Kristo, ko kimong' eng' mesundeito, ak mitei nguni eng' lapkeiyetab Kamuktaindet.

Kigiguurin anyun ibaarte, ak ipcheite eng' ng'ony, lapkeiyet ne kiinyorchi ge, eng' Kristo. Yai ko u noto anyun rani!

## MAONATET NE KIMWACHIN GE

**Asobe eng' lapkeiyet ne kararan, ne bo Kamuktaindet, ago yaei noto anyun, aik chi ne tinye teerchinet. Rani ko nenyun aterteris, ago mayani kiy age tugul ne ma kabelisiet! Amen.**

### TESETAB SOMANET

Pilipik 2:15-16

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Korintoek 5-9



**Hebranik 1:7**

**Ak kimwa agobo malaikaisiek kole, Inendet ne yaei malaikaisiekyik koek usonaik, Ak koek kiboifinikyik libliben-etab mat:**

Mi ole ite ko I Kristianindet, ye ma ing'ate mat kochorgei konyo ng'onny, kobaaten iyae korikyin mat, ak iegu mat!

Tos kiiger ngoroik, anan ko tuguk che kigisir kele naamin mat? Anigeer tugu-choto, ko ma tuguk che iberberegei. Mebwaati anyun konyil aeng' ngot ko tuguk che bichien, anan achicha—eng' keeret ne tai, ko togu ko tuguk che ma yaachen. Atebet ne bo iman, ne bo tuguchuto, ko togu ye kiborchi mat, agot ne ifiortoi ne kitigin. Namei anyun mat eng' chokynet ne sirei ole imistoil!

U noto anyun atebetab otwogindetab Kamukaindet. Kigeyain iegu libliben-etab mat! Ye keng'eet eng' karonetab rani, ak igeer ge eng' kiyoit, ko imuchi ko kegeer ak isas ge, ago ye kait maget anyun, iegu mat, ak magimuchi keteerin!

Mamitei kit ne imuchi ko tonon, eng' taitab liblibeneng'ung rani. Kigiyain anyun, iegu libliben-etab mat. Kong'eete rani, kogeere ng'onny ilale, iletyenjini Kristo!

## **MAONATET NE KIMWACHIN GE**

**Kiyaan Kamuktaindenyun aik libliben-etab mat, tos nee ne mamuchi ayai? Ang'alali nguni ale, lalei koletyeni sobenyun, kolaljin Kamuktaindet, ak koipchi inendet torornatet eng' kososwek tugul, eng' kainetab Jesu! Amen.**

### **TESETAB SOMANET**

Tienwogikab Kalosunet 104:4

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 2 Korintoek 10-13



**Hosea 4:6**

**Kigeng'em bikyuk amu matinyei naet: amu kiiesie naet, aesioin agane, si ma iegu tisiindet eng' ane: amu kiutie ng'atutikab Kamuktaindeng'ung', autie agane lagoguk.**

Mitei Kristianik che somani sirutioni rani, ak ma keere kaimut kobwati kole, amu ichek ko lagokab Kamuktaindet, ko ma nyolu konyalilli ichek setani, ago eng' kotugul komi ichek boriet, ak setani koiime tugukwak. Iyani kole manyolu ko miandos, ago betusiek che chang', ko ma miachen borwekwak. Ingen kole kalyet ak boiboyet ko nenywa, ago maimuchi koiit kole safarisiek ata, che kigonyor ruondo ne mie, eng' kalyet anan ko kasartab boiboindo, eng' gonywa. Chuto ko lelutik che tinye nyigisindo ee che kitupche, ago anyun

aborwok ortinwek aeng', che kimuchi kenyorunen walet.

Ne tai, ko inyoru kaguyet ne litit eng' ng'olyot. Mat igas kityo, amu ne bo igas, anan isoman kityo ne bo isoman, kobaaten igilchin ge iguiye! Ne bo aeng', ko ngo ma name ge ng'aleguk, ak ng'olyotab Kamuktaindet, konaami sobeng'ung' ne iboru ng'alaleng'ung, koboru kit ne mitei tamirmirieng'ung. Magoi imwa ng'olyot ak iyai che bo borto. Chang' che bunei nyailwogik amu maiguitos tuguchuto aeng'. Iguiyen ng'olyot ak isob ko u eng' ng'olyot. Mat inam atebeet ne iyae che terjin ak urereniguk. Nam ng'omnatetab ng'olyot rani, ak isopte ko u ye mwaei ng'olyot!

## **MAONATET NE KIMWACHIN GE**

**Kaimutik alak tugul che ibu setani, koyoome anosto eng' kayanenyun, kogesu ge amu eng' ng'olyotab Kamuktaindet, eng' kainetab Jesu! KAGOGEEES GE! Amen.**

### **TESETAB SOMANET**

Josua 1:8

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Romanik 1-3



**Mariko 8:36-37**

**Amu nyoru borot nee chi, ngonyor ng'ony komugul, ak kobeet sobondanyi? Amu igoitoi nee chi kowale sobondanyi?**

Ng'alekab Jesu Kristo, eng' sirutietab rani ko kimen. Nyoljin mising' kiguiyo kele, wendi ng'onyuni kogesu ge, ak kewalen age. Ko imuktoi ano koyamak chi, ye ibeeti sobondanyin, agobo kit ne igeesu ge? Sobetab koigeny eng' Kwandanyon ko ma kit ne begu, ago yame ge igochi sobeng'ung'.

Imuktoi ge ago eng' betusiechu bo let, eng' naet ak rikyinetab ng'olyotab Kamuktaindet, inyoru Kristianik che chang', kometoi chamnyet ak Kamuktaindet, yeityo kotoi chamnyet ak tengekto? Oib anyun kabwatet eng' ngo'olyotab rani. Tilun rani, ko

mat kotiech keldo agenge kanisa, ak kong'et age kotieche che bo ng'ony. Magoi ibitu eng' komoswechu tuwai safarit agenge.

Sopchin anyun sobeng'ung' Kiptaiyat kityo, ne mamitei walet. Ingoik boiboyeng'ung' logoiywek che miach, che bo Kamuktaindet, ak amdaet koyom ng'ony. Mi ole ya sobondang'ung', ago chang' kaimutik. Alak komuchi kobosiën ng'olset ne mi barak, ne megeere ile ibeeti sobondang'ung. Orip ge! Mamitei kiy eng' ng'onyuni, ne yamei ge—osopchin Kamuktaindet ak Kamuktaindet kityo!

## **MAONATET NE KIMWACHIN GE**

**Kong'eete rani aweekyini sobenyun Kamuktaindet ne sobei. Kiageesy ge eng' aldaenyun tugul inendet, eng' kainetab Jesu! Amen.**

### **TESETAB SOMANET**

Matayo 10:39

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Romanik 4-7



**Kalewenaik 3:5-6**

Imang'u Jehovah eng' mugule-  
ldang'ung' tugul, Ametiiege  
naeng'ung': Ng'any inendet eng' ortin-  
weguk tugul, Si kolitif ortinweguk.

Mamitei chi ne kasei ta kisich borotet, kosiir Kwandanyo Kamuktaindet. Nya-sei bik anyun, amu mitei Kristianik, che ma Kanye kochamji Kamuktaindet, kochutyi sobenywa amu ibwati ichek kole, imuchi komus inendet boisionik-wak, kamang'unoikwak ak alak. Eng' ng'olyotab rani, ko mamitei ole imuktoi Kamuktaindet, 'komus' noto kiguuren tetutiet ne kararan, ne bo sobetab chi. Mamitei tetutiet ne kararan ngot ko ma Kamuktaindet ne tetei noto.

Nai ile chamin Kamuktaindet kosiir, ole ichamtoi ge. Ng'om inendet kosir ole kiit ng'omnateng'ung, amat iutye kole

kiyai ng'onny komugul, kobaten! Ingen tuguk tugul eng' bortang'ung', che maimuchi kogeer kiy age tugul. Ama kele ingen tuguk tugul kityo, agobo inye, kobaten ingen komie ole itokyini ge. Mwochin kityo ilenji, ichobot kondoun. Iyan inendet ak sobeng'ung. Tebe kwenutab mag-enyin ago mebeeti kiy. Nyiganitun anyun eng' Kiptayat, eng' muguleldang'ung' ak kabwatufiguk, ak igochi ge anyun, kamang'unoikyik che miachen agobo sobeng'ung'.

## MAONATET NE KIMWACHIN GE

**Banda age tugul ne awendi rani, ko bandab Tamirmiriet Ne Tilil. Kiyae sobenyun komieit kong'eete nguni eng' kainetab Jesu! Amen**

### TESETAB SOMANET

1 Petero 2:6

### CHERSET KESOMAN BUKUIT NE TILIL ENG' BETUSIEK 365

Somanetab rani: Romanik 8-10



**1 Korintoek 6:17**

**Ago inendet ne itufos gei ak Kiptaiyat ko tamirmiriet agenge.**

Kigenaite che mwaei bik kolen, 'mitei Kamuktaindet koboten', anan kole 'mitei Kamuktaindet kwenung'wong'. Nganda iman ko u noto, ko mitei ne kaikai ne noto ko, 'mitei Kamuktaindet oring'ung'! Mitei terjinet ne o eng' chuto tugul. Kitil anyun Kamuktaindet kole, ma tese tai inendet kotebye eng' kwenutab bikiyik, anan koboto ichek. Kigas ta chut orinywan. Noto anyun ne kiginyoru, eng' boisiet ne toror ne bo sorunet—ole kiiborunech Kamuktaindet achek bikiyik chamyenyin. Ingochutin oring'ung' imanit nito kole, torornatani bo Kamuktaindet, eng' oindanyin ak kimnatenyin tugul, ko menyee oring'ung'.

Bortang'ung' ko gonyin. Olda tugul ole kewe, kowendi. Mung'areng'ung' ko nenyin. Memuchi itienji anan isoochi ile koriikyin; MITEI INENDET ORING'UNG! Ye iguiye nito kowalaksei ole ibwatitoi, ak ole isoptoi, ak inyoru anyun itondo ne teer eng' ole igeertoi sobet. Mwachin ge ile, 'Ane ak Kamuktaindet, ko ki agenge, atuyot ak inendet, ak ami eng' tuiyet ne tinye torornatet ak inendet, eng' betusiekab sobenyun tugul!' Bo torornatet Kamuktaindet!

## MAONATET NE KIMWACHIN GE

**Muguleldanyun ko gotab Kwandanyun ne bo kipsengwetisiek. Aboiboenjini anyun yamdaet ne o ne konu walet ne igesunot ge, eng' kainetab Jesu! Amen.**

### TESETAB SOMANET

Johana 14:11

### CHERSET KESOMAN BUKUIT NE TILIL ENG' BETUSIEK 365

Somanetab rani: Romanik 11-13



**Hebranik 13:5**

**Oegu che ifiogotin eng' chametab sil-  
ing'isiek; ingoyamak tuguk che ofinye:  
amu kigomwa inendet, kole, Magoi  
abagakten, magoi ameten.**

Kiasoman chigilet ne kiiboru kole, bik che ki meng'isie kotabaane ge, anan ko meng'isie icheget, ko tinye 32% akwo barak, komeio ichek eng' chokynet, kosiir bik che ma itabaanen ge bik alak. Inoni anyun ko chigiletab bik, kotiengei kasetetab bik ak atebenywa. Mi anyun oret age ne siire tugul, ne soben Kristianik che kisig, ak noto ko ni; Ko I lakwetab Kamuktaindet itinye Tamirmiriet Ne Tilil eng' oring'ung', ak anyun ko memitei inyegen. Mitei oring'ung', saisiek tugul. Agenge eng' boisionikyik, ko kotebi eng' yamdaet ak sobeng'ung', kogimiti kayaneng'ung',

ak kong'eeti nyiganatet eng' oring'ung, iyai magetab Kamuktaindet ak isuldaen kureeng'ung'.

Tebi eng' naet kole mitei oring'ung. Tamirmiriet Ne Tilil ko siirei boisienyin tilunet, anan ko cherset; inendet ko Kwandang'ung', ne indoiseun, ak koriibin ak kotorefin. Imuchi imitei eng' uinwek nguni kobaten meyweisie, me mitei inyegen! Igochin anyun mageng'ung Tamirmiriet Ne Tilil, amu ma igesu ge.

## **MAONATET NE KIMWACHIN GE**

**Mamitei anegen. Menye Tamirmirietab Kamuktaindet orinyun,  
ak ine koboton, ko ki chang', haleluya! Amen.**

### **TESETAB SOMANET**

Johana 14:26

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Romanik 14-16



**Ng'ang'utiet 12:11**

**Ak kiiterter inendet amu korotikab Aru-  
et, ak amu ng'olyotab baornatenywa;  
ama cham sobonwekwak agoi meet.**

Mitei baornatosiek koyob aeng'. Ne tai ko kebaorian ng'olyotab Kamuk-  
tainedet. Eng' aronet ko imwachi ge  
ng'olyot, ko u ye nyoljin. Imwachi ge kit  
ne mwaei sirutik. Ne bo aeng' ko ibao-  
rian agobo boisinikyik che bo chamen-  
yin, ak chamyenyin. Nito ko ne kitokyini  
ge rani.

Mitei yu kit ne imuchi ko mengen; kole  
oik ko ma ingen kit ne iibwaati, anan  
ko ne iingen, ago ye kas ibaorioni, kom-  
wachin ge ichek anyun koistoen ge,  
amu keerei kole, iingen kole I ng'o. Yai  
anyun koek atebetab kotugul, ibaori-  
an agobo kimnatetab Kamuktainedet,  
tononetab ng'olyondenin, ak kimna-

tetab Tamirmirienyin eng' sobeng'ung'. Mat igeer kit age tugul ne  
yaun, anan ko boisien Kamuktainedet iyai, ko ming'in ne magimuchi  
keng'alalen. Mitei kimnatet eng' baornateng'ung', koterteer bunyot  
ak koyai inendet koistoen ge. Ye kiriktoi kagesunetab ge, ne bo keny-  
ini bo chego ak kumiat, ibaoriani anyun mising' eng' betusiek che  
ng'etunofin, eng' kainetab Jesu!

## **MAONATET NE KIMWACHIN GE**

**Eng' ng'olyotab baornatenyun, ko kaaterteer bunyot ak bichi-  
inwek tugul. Iboru ge kimnatet ak torornatetab Kiptaiyat eng'  
sobenyun, eng' kainetab Jesu! Amen.**

### **TESETAB SOMANET**

Mariko 5:20

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 20-23



**Epesoek 4:22-23**

**Ale orengu chito ne bo keny, noto atebeng'wong' ne bo atkinye, ne ng'emaksei ko u magutik che yaach che bo kenisiet; asi owalage oleelagitu eng' tamirmirietab nautikwok.**

Ye mwaei Bukuit Ne Tilil, agobo 'ng'alalet ne bo atkinye', komwae agobo atebet ne bo keny, ole kiteptoi anan ko kiwenditai sobet. Ye iboi-boenjini sobetab sorunet ko I lakwetab Kamuktaindet nguni, ko magat anyun imetei tuguk che ki bo keny. Ole kicham iwendi ko maanyolu iwendi. Tuguk che kicham imwaei, anan bik che kicham ingen, ko ma nyolu ichamji kotes tai. Eng' sirutietab rani, ko ateboni bo keny kong'emat, ak kalelitetab nautik ko kit ne kaikai kebendi tai.

Inaam kalelitetab ge eng' kabwatetab tuguk che litit, ak kereet ne bo tuguk che litit kityo. Tokyin nautiguk tuguk che tililen, che bo iman, che chamotin, che bo atebet ne nyolunot, ak che kimwoitoe ne mie (Pilipik 4:8). Ma nyolu itese tai ak sobet ne kibo keny, iteer anyun nguni. Inye ne ki bo keny, ko kime keny, maatin konamin kiruogot, ago bo inye ne bo keny. Ye iyaei anyun ko u noto, konaami ko togu eng' borto, ak kotesaksei kororonindab tamirmiriet ne mi oring'ung'.

## **MAONATET NE KIMWACHIN GE**

**Kigilelilon ak kesichon kogeny, eng' tamirmirietab Kamuktaindet, ak keyaan eng' itondanyin ak kergeindanyin. Kong'eete rani, abwati che litit, che bo borotet, katerterisiet ak chang'indo, eng' kainetab Jesu! Amen.**

### **TESETAB SOMANET**

Romanik 12:2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Boisionikab Che Kiyoktoi 24-26



**1 Timoteo 2:1-4**

Ne bo tai anyun aboru ale ingoyaak so-  
mutik, ak sautik, ak saisaet, ak mwaet  
ne bo kongoi agobo bik tugul; agobo  
laitorinik ak tugul che tinyei bouna-  
tet; si kobiit ketebe kalyet ak mutyo-  
net eng' kaiyweet ne kiywei Jehovah  
ak teegisto. Mie nito ak ko taagaksei  
eng' taitab Jehovah Yefindennyo; ne  
machei kole kesor bik tugul, ak konyor  
naet ne bo imanit.

Ole bune sirutietab rani, ko nyitat tuguk  
che kisubi eng' saet, ak amache aaro-  
wok agobo choto anyun. Ogeere ole,  
kagimwa kit ne tai ne machei keyai  
eng' ole kisaen. Kit ne TAI ENG' TU-  
GUL, ko kesaachi TUGUL, che ma tinye  
kandoinat age tugul. Ko nguno ko ma  
ichakte isaachi ge korok, saachin alak.  
Saet ne isubi ko ne bo bik che mi eng'

kandoinatet, laitorinik, kandoikab emotinwek, ak alak. Ak inigeer ko  
ma le isaachi kandoindet ne ichame kobaaten isaachi tugul.

Mitei anyun borotet eng' sautik che u choto, ak iboru sirutiet eng' yoto.  
Mwaei kole ye kiyai kou noto, ketebe eng' kalyet ak mutyonet eng'  
kaiyweet, ne Kiywei Jehova ak teegisto. Ingesa kou nito kobaibaite  
Kamuktaindet. Ibwaat ile bo kamanut sobonwek tugul, ak baibaitu  
inendet ye inde bik alak tai, ak isaachi korok. Sorunet ko bo chi tugul--  
saachin chi nguno anyun.

## MAONATET NE KIMWACHIN GE

Kong'eete rani asaachini bik alak, kosiir ole kitam asaachin-  
doi. Asaachini berurto, ak ng'omnatet, ak kalyet, laitorinik tu-  
gul ak ichek tugul, che mi eng' kandoinatet, eng' kainetab  
Jesu! Amen.

### TESETAB SOMANET

Jeremiah 29:7

### CHERSET KESOMAN BUKUIT NE TILIL ENG' BETUSIEK 365

Somanetab rani: Boisionikab Che Kiyoktoi 27-28



**Isaia 41:15**

**Keero, ayain iegu kit ne leel ne ng'atib ne kiborse, ne tinyei kelek: ibore tulo-nok, ak itui komengegitu, ak iyai tulo-nok che mengech kogergeit ak metetek.**

Tomo koguyo Kristianik che chang' kole, tiana kimnatet ne tinye ichek eng' kususwekwak. Ak bendoti ichek anyun ko matinye naet, ak mamitei kit ne tese tai komie eng' sobenywa. Nan aboruok kiy. Eng' bukuitab Josua 1:3, ko kimwa Kamuktaindet kole, 'Komosta age tugul ole otieche eng' kelyekwok, ko kaagonok yoto.' Matin ko kararan nito, ko imanitab arurutiet ne os. Kitinye oret ne kaikai nguni anyun,--- mitei katerterisiet kutit! Ma ko 'komosta age tugul ole itieche' kobaaten nguni 'inyooru che kemwa!'

Tinye kuting'ung' kimnatet ne o, amu eng' ng'alek kityo. Kasarta age tugul ne ichundoii ng'alek ak kuting'ung', iboisien kariik che bichien. Kit ne mie agobo noto, ko amu iiboti---mamitei ole iwendoti ko metinye! 'Kutit' eng' Yunanik ko ng'olyot 'stoma' ak eng' arorunet ko "tai anan ko tabandab kariik". Mwaei sirutietab rani kole ng'atib ne kiborsen, ak tinyei kelek! Imuchii itil bananda, kabutet, kansa, miondab sugaruk, ukimwi ak alak. Boisien kuting'ung' iteech ge kogeny anyun rani!

## **MAONATET NE KIMWACHIN GE**

**Kiy age tugul ne amwae eng' kutinyun rani ko bunjon. Kutinyun ko kariik, ak awendi aboisien mising', eng' kainetab Jesu! Amen.**

### **TESETAB SOMANET**

Sekaria 4:7

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Kolosaik, Pilemon



**Hebranik 13:15**

**Noto anyun ongigochi Jehovah eng' inendet korosiotab kalosunet kotugul, noto ko logoiyatab kutuswek che ng'anyei kainennyi.**

Tos konyil ata che nyolu kiloos Kamuktaindet? Tos safarit agenge eng' wigit yon imitei kanisa, anan ye igas ta kiloos? Sirutietab rani ko tinye walutiet ne tetaat; Mwaei kole kiloos Kamuktaindet kotugul. Igeere kamwa kole 'korosiotab kalosunet' ak anyun kobaru kole, nyolu ilosu inendet eng' kasarwek che mia-chen, ak eng' che yaachen agichek! Noto ko korosiot ne kigoito kotugul, ak anyun ilosu eng' betusiek tugul!

Kiloos eng' arorunet ko kigoito kongoi: kongoi ak keyot etunatat Kamuktaindet ak torornatenyi, ak kegonyit inendet eng' boisionikab rirenenyin,

che iboiboenjini ak imwachini kongoi. Eng' kasari bo boiboyet, isich chamet ne o anyun, igochi Kamuktaindet kongoi, ibwaati ile kigonech korosiot ne mamitei ne kergei, ne noto ko werinyi ne inegei, Kiptayandenyo ne chamat, Jesu Kristo. Tienjin tienwogik che lelach che bo kongoi, ak ilosu inendet betusiek tugul. Kiriibin eng' kenyini bo chego ak kumik, ak eng' kenyini nyone, ko tese tai ko yaei ko u noto. Ilosun anyun inendet agobo noto!

## **MAONATET NE KIMWACHIN GE**

**Eng' kutinyun agochini Kamuktaindet korosiotab kalosunet. Kararan sobenyun amu eng' inendet. Kongoi, Kwandanyo ne bo Kipsengwet, eng' kit na iyaei eng' sobenyun! Amen.**

### **TESETAB SOMANET**

Hosea 14:2

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Epesoek



**1 Johana 4:17**

**Kigeyai chamnyet koek ne igesunotgei eng' achek, si kobiit kesich nyiganatet eng' betutab kiruoget; amu ko u ole u inendet, keu noto achek eng' ng'on-yuni.**

Ibwaat ile ye kin kang'eet Kiptaiyat Jesu Kristo, Ko kimi alamalyenyin got ne kigerotin kurgotik ak tirishok. Ago anyun ko kinyo Jesu go kobunu inaatut. Eng' tai ko kiibwati ichek kole tamirmiriet, agoi ye kilenji ichek kotiiny inendet, ak kolenji tinye iendet banyek ak kowek, ama tamirmiriet.

Mwaei sirutietab rani kole ko u ole u inendet, keu noto ak achek eng' ng'on-yuni. Kergeri inigase ko u noto anan ko megase, ko mawalaksei imanit noto. Eng' borto ko ma togu ateptanyon ne

bo tamirmiriet eng' bikab ng'on-y, kobaaten ng'etu imanit ko tononot. Kiu kit ne kimwa Kamuktaindet kole kiu—werikab Kamuktaindet eng' ng'on-yuni. Atebenyini ko mi oring'ung. Itinye kamuget imandaen inaatut; imuuchi ioonde tulonok koba nyanjet, ago matinye kiy age kobaaten kogasin it. Mwaei sirutiet kole itinye kimnatani eng' yuto nguni eng' ng'on-yuni—ama eng' ne nyonei. Yuto!

Boiboenjini anyun atebenyini eng' oring'ung', ak iboisien kimnatet ne kigigonin iboisien eng' ng'on-yuni!

## **MAONATET NE KIMWACHIN GE**

**Atinye kimnatet ne bunu barak! Kiaterteer anyun ng'on-yuni amitei eng' Kristo. Ye anaami betunyun, ko mamitei tiemutiet age tugul, ne imuuchi kotonon eng' ole abunoti, eng' kainetab Jesu!**

### **TESETAB SOMANET**

Tienwogikab Kalosunet 82:6

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Pilipik



**Pilipik 2:12**

**Noto anyun, chamanikyuk, ko u ye koogase it kotugul, ma ye ami kityo, ago nguno ye mami ogase it kosiir, oboisie yetuneng'wong' kosulda eng' kaiyweisiet ak botanet;**

Achamei amwa kotugul ale koten kong'etunot ng'olyot eng' balalenikab Bukuit Ne Tilil, ko magoi koyaun walutik alak tugul. Mong'u anyun eng' balalenikab Bukuit Ne Tilil ak kosopcho, ye inaam ibwaatate ak imwaei eng' kut-ing'ung'. Nyolu IBOISIEN ng'olyot, mat isoman kityo ak isirisiei ye ng'alali amdoindet.

Kiyai Kamuktaindet tuguk tugul che kiyache koyai, si kobiit inyoru ak iboi-boenji, sobet ne nyitat chego ak kumik. Nyoljin anyun inaam iboisien ng'olyot, si kobiit konaam kobois eng' so-

beng'ung. Inye ne nyolu kogeer kole, kaisulda berurto ne kararan ne bo Kamuktaindet eng' sobeng'ung. Ngot imiani, ilot anan ko megase komie eng' bortang'ung, inaam iboisien kayaneng'ung' anyun. Mat ibuur kityo ak iriren ge. Ng'eet ak inaam imwachi ge ile, kagogeos ge choto! Inaam iboisien ng'olyot ne mi oring'ung—mwa ak imwaite eng' tuuget ne mi barak! Sobe ng'olyot, ak mata igeren kabuset kosiir yuto.

## MAONATET NE KIMWACHIN GE

**Amwae kasobet, borotet, katerterisiet, ak tesetab tai ye aboisien ng'olyot rani. Kit age tugul ne mwaei kutinyun ko igu ko u noto eng' kainetab Jesu! Amen.**

### TESETAB SOMANET

Jakobo 1:22-25

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Timoteo



**Tienwogikab Kalosunet 2:8**

**Soma, si agonin bororiosiek koek boroteng'ung', Ak agonin tabanwekab ng'onny kobunjin.**

Kingen tugul kele matin ko Krismas, ko betut ne kiboibonjin mising' Kiptayan-denyon ne chamat Jesu Kristo, ko naat anyun mising' kasarito, agobo konunoik che igochin ge bik che chaamtos. Ibwat anyun eng' saini, kole nda nguni koteebenen chito ne mogoriot eng' ng'onny komugul kole, tos nee ne imakyini ge eng' Krismas? Akwong'e walutik! Tos nee kagochinet ne kararan mising'? Keer anyun igetyi ge sirutietab rani. Tinye tebut anyun Kamuktaindet. Inoni ko yaindetab kipsengwetsiek ak ng'onny, ma chito ne mogoriot eng' ng'onny tugul. Mogorotenyin ko siire kabwatutik-ab bik ak tuguk che tinye ichek. Mwaei

eng' koitetab 8 kole, soma ak kowol eng' yoto kole, agonin bororiosiek koek boroteng'ung', ak tabanwekab ng'onny kobunjin!

Tos igeere terjinet ne mi, eng' ole ibwatitoi Kamuktaindet, ak ole ibwatitoi bik ole o? Ye sich kasarta bik ole o, ko teebe tugukab ng'onny che matinye kamanut ne o, ingegeerjin ak bororiosiek che walaksei mugulelwekwak, kobwanji Kamuktaindet. Nam anyun chamet iamde eng' kasari bo Krismas. Igochin chi konunotiot ne mamitei ne kergeri, konunotiot ne kararan mising', ak noto ko sorunet eng' kainetab Jesu!

## **MAONATET NE KIMWACHIN GE**

**Konunotiot ne kararan mising', ak amokyini ge eng' Krismas nito, ko koyatak bororiosiek, ak emotinwek, agobo letaetab logoiywek che miach. Amwaei waletab ge ne mamitei ne kergeri ne bo sobonwekab bik, eng' kainetab Jesu! Amen.**

### **TESETAB SOMANET**

Jeremia 29:7

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tito



**Tienwogikab Kalosunet 119:105  
Taitab kelyekyuk ng'olyondeng'ung',  
Ak lapkeiyetab orennyu.**

Sirutietab rani ko agenge eng' sirutik che kororon, eng' Bukuitab Tienwogikab Kalosunet. Ibwat kitigin. Tos imuktoi ano ibet, anan kobetun ole iwendi ye ifinye sirutik che u chu? Ui kobetun met agobo ole nyolu iwendi, amu eng' ng'olyotab Kamuktaindet, kokweng'at komie kakwautiet age tugul ne itieche. Kimwa Kiptayat Jesu eng' Johana 8:12 kole, 'A lapkeiyet ne bo ng'ony: inendet ne isuba ko mawendoti eng' mesundeito, ago nyoru lapkeiyetab sobondo.' Igeere ile mitei ng'olyotab Kamuktaindet ole imitei, ak ikwenyi anyun oren'ung. Mamitei terjinet agot nda ibetei eng' osnet ne inei. Boisien ng'olyot, ak inaami eng' yoto

kokwenyi oren'ung ak koborun ole iwendi. Ngot isub ng'olyondenynin ko mebeeti oret, ak inyoru borotet eng' tuguk tugul che iyae.

## **MAONATET NE KIMWACHIN GE**

**Ma Kristianindet ne maingen ole wendi. Nyiitat ng'olyotab Kamuktaindet orinyun, kot ko olda tugu ole atieche, kokweng'at ago togu. Kongoi Kiptaiyat amu ikwenyi emenyun!**

### **TESETAB SOMANET**

Josua 1:8

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Petero



**Mariko 9:23**

**Ak kilenji Jesu, Ngimuchi! Imugaksei tuguk tugul eng' inendet ne iyani.**

Che kitupche, bo kamanut oguiye ole kamuget ne tian ne otinye, ak imuchi koyai sobeng'wong komieit kosir. Tinye tamirmirieng'ung kamugetab tuguk che maigesu ge. Ye nam tamirmirieng'ung' ng'olyotab Kamuktaindet, ko ma mwaaksei che imuchi iyai, ama mwaaksei kit ne imuchi iegu, ak ma mwaaksei tuguk che to inyorji ge--- ma kimuchi keteerin!

Ma amei kiy agot nda tiana tuguk che teerin, imuchi imwa ile ibunu ole yaachen biik, anan ile metinye bik che toretin, anan ko mara ibunu kokwet ne ya, anan ko mesomanat mising'--- choto tugul ko matilu kiy--- itinye kamugetab tuguk che maigesu ge.

Mwai sirutietab rani kole imugaksei tuguk tugul, ma mwa kole alak. Kit ne makyin ge kityo ko KIYAN.

Iyani ile imuchi kowalak sobeng'ung ak koek betut ne mie? Mitei kamuget—iyan kityo!

## MAONATET NE KIMWACHIN GE

**Ayani eng' muguleldanyun ak atinye kayanet eng' Kamuktaindet kole, walaksei sobenyun, ak konaam koek betut ne mie. Nyiitat anyun boiboyet orinyun amu angen ale, kagoyaak ko u noto! Amen.**

### TESETAB SOMANET

Matayo 12:35

### CHERSET KESOMAN BUKUIT NE TILIL ENG' BETUSIEK 365

Somanetab rani: Hebranik 1-6



**Johana 10:10**

**Nyonei chorindet si kochor, ak kobar,  
ak kong'em kityo: kianyo si kobiit kon-  
yor sobondo, ak kotepeto sobonato  
inne.**

Ngot ikwong'e ile kisoru nee ng'onu  
Jesu Kristo, inyoru walutiet eng'  
sirutietab rani. Magun Kamuktain-  
det mising' sobet ne bo boiboyet, ak  
chang'indo, noto ko sobet ne nyitat  
kot koranda ge!

Imuchi ko ui eng' alak koyan kole, kin-  
yo Jesu si konyor ichek sobet ak kobo-  
iboenji, mising' ko ngot ko kibun ichek  
sobet ne teer, eng' kasarta ne koi. Ki-  
goim ichek sobet mising', kot koyan  
ng'wanindo ak ma keere ichek ngo  
mi kit ne teer. Noto anyun ko sobet ne  
mami boiboyet, mising' ko ngot ko ma  
namegei, ak ole maktoi Kamuktaindet.

Boiboyetab Kwandang'ung' ne bo Kipsengwet, ko kogeer ichame ge  
eng' borto, ibaibai, itinye kimnatet ak sobet ne rondo ge. Ak anyun  
inamji ge tetutikyik, ak iboiboenji sobet komie. Baibaitun ye isobe so-  
betab chang'indo, sobet ne mitei eng' chametab Kamuktaindet, ak  
kalyet ak roriot eng' kainetab Jesu!

## **MAONATET NE KIMWACHIN GE**

**Amwachini ge ale, kong'eete rani kongen sobenyun randae-  
tab ge. Ma che yaman kityo che anyorjini ge, ago kotugul  
anyoru randaetab ge, ne bo tuguk che kororon, eng' kainetab  
Jesu, U noto!**

### **TESETAB SOMANET**

1 Timoteo 6:17

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Hebranik 7-10



Luka 1:74-75

Si kobiit kogonech, ko kagosoruech eng' eunekab bunikyok, Keboisiechi inendet ama eng' kaiyweisiet, Eng' tili-lindo ak eng' imanda eng' tainnyi eng' betusiekyok tugul.

Chang' Kristianik che betei met eng' ng'olyot 'imanda'. Kas amwoun anyun eng' nwagindo. Imanda ko konunotiot ak mamitei kit ne imuchi iyai, si nyorji ge, amu kigoito buch. Ibo imanda eng' Kristo matin ko nee ne ya, ne kiyai. Betut ne kiigochi Jesu sobeng'ung' ko yoto ole kiibunji imanda. Ago mitei anyun ole iriptoi sorunet eng' kaiyweisietab Kamuktaindet, nyolu isop sobetab chi ne bo imanda. Noto keguuren sobet ne bo iman.

Mitei Kristianik che mwaei kole, machei kobarta toromatetab Kamuktaindet eng' sobenywa, ago ma sobe ichek sobet ne bo iman. Sobetab kristianindet ko kuuret ne bo imanda. Nyolu kesop sobet ne mi oring'ung' ne bo Kristo, kou ye nyolu, ak ng'olyotab Kamuktaindet ko lapkeiyeng'ung'. Kit ne iboru kole ichame inendet ko isub ng'olyondenin; ibaarte chamyenyin ak atebenyin. Sobenyin ak atebenyin eng' oring'ung'—imandanyin ne mi oring'ung' koyae kowisisit ak komugak kesop sobet ne bo iman. Kigonin Kiptaiyat Jesu katerterisiet eng' tengekto; ak anyun iwendote eng' imanda.

## MAONATET NE KIMWACHIN GE

**Aburii ak Kristo eng' kimnatet ak bounet, kiterteeri setani ak tamirmirikab mesundeito. Aesioi yomset anan ko kawiset, ne bunu mesundeito ne bou emoni bo nguni, eng' kainetab Jesu! Amen.**

### TESETAB SOMANET

Johana14:15

### CHERSET KESOMAN BUKUIT NE TILIL ENG' BETUSIEK 365

Somanetab rani: Hebranik 11-13



**Johana 14:8-9**

**Kolenji Pilipu, Kiptaiyandani, iboruech Kwanda, si koyamech. Kolenji Jesu, Kigitebi tugul ak okwek betusiek che chang', ak tom inaa, Pilipu? Inendet ne kigogeera ko kigogeer Kwanda: imwae eng' nee anyun, ile, Iboruech Kwanda?**

Ta ko mitei che chang' eng' emoni, che ma ingen kole Kiptayat Jesu ko ng'o. Eng' alak ko kandoidet ne o ne bo kayanet. Ago anyun Kiptayat Jesu ko ma kandoidet ne ming'in ne bo kayanet, Inendet ko Kamuktaindet. Nyolu anyun ineet ge, ak ichigil sirutik sinyoru nito. Eng' Johana 5:39 Ko kimwa Jesu kole, "osiach sirutik, amu baoriani agobo ane". Okany anyun aborook sirutik tuten che iboru nito, ye ofese tai oamdoi logoiwek che miach, eng' Krismas.

Eng' sirutiet ne kagiyaaten ko kimwa

kole, 'inendet ne kigogeera, ko kigogeer Kwanda'. Inendet ak Kwanda ko agenge.

Johana 1:1 komwaei kole, 'Eng' taunet ko kimi Ng'olyondet, ak kimi Ng'olyondet ak Jehovah, ak ki Jehovah Ng'olyondet'. Koitetab 14 komwaei kole, 'Ak kiek Ng'olyot borto, ak komeny kwenunnyo (ak kigigeer torornatennyi, torornatet ne u ne bo ne kigii inegei kobunu Kwanda), ko nyiitat mieindo ak imanit'. Nito anyun ko ng'alalen Jesu. Ak eng' ye oboiboenjini Krismas, oboiboenjini Ng'olyot ne sobei ak komitei eng' borto.

Mwaei Bukuit Ne Till kole, menyei eng' inendet, eng' borto nyiit tugul ne bo Jehovah, (Kolosaik 1:19, 2:9). Inendet ko Kamuktaindet, ne igesunot ge eng' borto. Inendet ko 'Kristo' eng' Krist-mas ne kiboiboenjini. Kinyo anyun Kamuktaindet eng' bortab Jesu. Ak nyolji keboiboenjil!

## MAONATET NE KIMWACHIN GE

**Kong'eete rani, amwachini ge betusiek che kororon mising' eng' tai – mitei Jesu orinyun; ago mayani kiy ne mi ng'ony eng' noto! Amen.**

### TESETAB SOMANET

Johana 1:10-12

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Timoteo



**Luka 2:11-14**

Amu kagisikwok Yetindet rani, eng' nganaset ne bo Daudi, noto Kristo Kip-taiyat. Ak nito kaborunet eng' okwek: Onyoru lakwet ko kagilaakyi ngoroik-ab lakwandit, korue moinget ne amisie tuga. Ak kimi eng' sainato koboto malaikaiyandanato chang'indab lugosiekab kipsengwet che kiilosu Jehovah kolen, Bo teegisto Jehovah, eng' ole toror mising', Ak kalyet eng' ng'onny eng' bik che chamofin eng' inendet.

Chuto anyun ko ng'alekab Malaikayat, komwachin mestowek eng' betunoto kibo boiboyet. Noto ko betut ne kiboiboenji Kipsengwet, sigetab Laitoriat, ak noto betut ne keboiboenjini rani. Kigisich inendet koyai magetab Kamuktaindet. Ki chamnyetab Kamuktaindet ne kiiboruech ge. Ki tiseiywotab aruet

ne bo Kamuktaindet, kome ak koal sorunetab ng'onny, ak koweekyi bik yamdaetab Kwanda.

Kisoruech ak chamyenyin ak kiigoito sobenyin agobo achek, si kobiit kenyorun chamnyetab Kwanda eng' yamdaet. Kinyorji ge anyun Jesu chamnyetab Kwanda, eng' oret ne mamitei chi ne kinyor ko u noto. Kimwa eng' Johana14:10 kole, 'Ami eng' Kwanda, ak Kwanda eng' ane'. Kiwendot inendet eng' Kwanda, ak kiwendoti Kwanda eng' inendet. Ago chamnyet noto kinyor eng' Kwanda, ko noto ne kipcheiwch. Ki ma kenyolu kobaaten kiyaech kenyolun.

Ingobunji Torornatet Kamuktaindet ne mi barak!

Meri Krismas!

## **MAONATET NE KIMWACHIN GE**

**Rani awendi apchechini bik che chang' chamnyetab Kamuktaindet, ne mi orinyun! Ingitoror inendet, Amen.**

### **TESETAB SOMANET**

Johana 3:16

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 2 Petero, Juda



**Epesoek 5:1**  
**Oegu anyun kasubikab Jehovah, ko u lagok che kichamei;**

Ko ki kasubikab Kamuktaindet, ko nyolu kegeer sobetab Jesu Kristo, si kobiit kenai maget ne bo ole nyolu kesopten. Mamitei chi ne kiimuch kong'alal kou Jesu. Kiibor ng'alekyik kayanet, kamang'unet ak chamnyet, ak kiigo-chi che kigase inendet kayanet, kamang'unet, ak chamnyet ng'alekyik. lbwat agobo ole kimwa ng'alek ak koyaak anyun kaborunoik che eechen. Kilenji Petero, ak che kiboisie tugul, che kiga kobirto ge, ama nam agot nji-riot, 'Ta ikweri moinget kwo ole chang' beek, ak ochoorte regereiywekwok oramisie' (Luka 5:4). Ye kingochoorta regereiywot, konam njirenik ng'isiat, ak konyor nyigisindo ne o, koyoome

komang'is eng' beek. Bo kwong'et kaborunoni kibun ng'alekyik! Alak eng' kaborunoik ko ye king'alal ak kobai bik che chang', koboisien amitwogikab ng'etet ne ming'in.. King'alal ak kong'eet Lazaro ne kiga kome; eng' ng'alekyik kora ko kiitonosi usonet ne o eng' araita. Chang' che kiyai anyun. Kiboisien inendet ng'alek, ne ma u chi age, ak kowal tuguk che ki matinye kamang'unet, koek baornatet. Kimwa anyun kole, 'Ang'alali ng'alekab Kwandanyun.' Yai kou noto kong'eete rani ak ing'alal ng'alek che bunu Kwanda, Ng'alal kou Jesu Kristo.

## MAONATET NE KIMWACHIN GE

**Ang'alali kou ye ng'alali Kwandanyun. Kong'eete rani ko nyiitaf kimnatet ng'alekyuk, kou Kiptayat Jesu Kristo. Ng'alek che amwaei kobendi kosuldoi. Haleluya!**

### TESETAB SOMANET

1 Korintoek 11:1

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Johana



**Jakobo 3:11**

**Tos kutune konda agenge beek che anyiny ak che ng'wonen?**

Kristianik che chang' ko mi eng' cho-bet ne bo let agobo kanametab kenyit ne nyonei. Tetonin tuguk che machei kosuldaen, ak ng'wole anyun mornok, komang'u kosuldaen choto makyin ge, eng' kenyit ne isubi. Nan agonok ni anyun. Ngot imache iegu ne bore kotugul, ak isobe sobetab katerterisiet ne kigiguurchin, ko nyolu itinye tokyin-etab ge, ak iegu ne tese tai. Mamitei ng'waletab mornok ne imuchi kotoretin. Magoi ing'alal kimnatet, nyiganatet, katerteerisiet, chametab ge eng' borto, ak kayumetab ge, yeityo eng' kasarato ing'alali chorirnatet, nyogoriet, kabutet, bananda ak mianet.

Ngot ile sobet kotinye kasartab 'ng'onny ak barak', kou ne kemwa kityo ile sobeng'ung' ko matinye tesetab tai kotugul, ak magoi kenai ole wendi, ak ole tokyingei. Noto anyun ko ma sobetab Kristianik, achek kebendi barak ak tai kityo.

Tilun anyun kereeng'ung ak iwe ole itokyini ge. Torornatetab Kamuktaindet, ne boisie eng' oring'ung si mach, ak iyai magenyi ne mie, kogeere kole kesulde eng' komoswek tugul eng' kenyini nyonei. Igun ne tese tai anyun!

## **MAONATET NE KIMWACHIN GE**

**Atokyinot ge sobenyun ne kararan eng' kenyini nyonei. Magoi ayan tuguk che anyiny ak che ng'wonen eng' safarit agenge. Anyinyen tuguk tugul, ago u noto, eng' kainetab Jesu! Amen.**

### **TESETAB SOMANET**

Jakobo 1:8

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 2 & 3 Johana



Luka 6:37

**Amoruokyi, si tun koma kiruokwok:  
amogikyi, si tun koma kigikyok: otiach,  
si tun kitiachak:**

Ibwaati ye kingoesio Petero kole maingen Kiptaiyat Jesu, kin kagenam inendet? Eng' bik alak ko kinyolu keisto Petero, ak ki manyolu keguuren ne kiyoktoi, eng' Jesu ko ma u noto anyun! Kimong'kyi alamalyenyin ye kin kagong'eet, ak koweek Petero. Kiteeben Petero konyil somok kole, 'Tos ichaama?' ak ye kingoyan Petero kowol Jesu anyun kolenji, 'bai arekyuk' (Johanna 21:15-18)

Igeere ile mamwa Jesu kole, "kiibwaati ile tos autie kit ne kiiyai o Petero? I chi ne ma kimang'u! Agot eng' kaborunoik tugul che kiigeer ayaei, ak ibirei teget ilen isubon agoi kagesunetab ge,

yeityo iesion. Iwendi igase king'wan eng' che kiiyai. Tos atayanden ano kebendi tai?" Achicha, ma magen kiy inendet lelutietab Petero. Noto anyun ko chamnyetab Kiptayandenyon. Tos iyachi nee chito ne kagonin ng'wanindo kou ni? Tos me magen kiy kou kit ne kiyai Jesu? Alak eng' okwek ko nyoito kaat kobaaten, ouite ge ye kaonyoite kaat. Imache kotes tai kogas chito neregek che ifinye. Choto ko ma nyoetab kaat. Chon ko kasarta ibwaatate. Nyoiten kaat ko tomo kesiiir, ak kechut keniyini nyonei. Igoiten anyun ng'olyondenon, birten anyun simoit, u keer anyun chichon—Nyoiten kaat!

## MAONATET NE KIMWACHIN GE

**Amwachini Kamuktaindet kongoi, amu ma igikyon kobaaten kinyoiwa kaat. Ago eng' nyoetab kaat ne ki anyoru, anyochini kaat bik alak nguni. Ilosunot Jesu, Amen.**

### TESETAB SOMANET

Epesoek 4:32

### CHERSET KESOMAN BUKUIT NE TILIL ENG' BETUSIEK 365

Somanetab rani: Ng'ang'utiet 1-8



**Kolosaik 1:12-13**

**Agochini kongoi Kwanda, .....ne kisoruech kemong'une kimnatetab mesundeito, ak kouutech kebe bounatetab Werit ne bo chamnyennyi;**

Eng' sirutietab rani iguye ile memitei eng' kandoinatet, bounisiet, anan ko kimnatetab mesundeito. Maimuchi koyai kiy eng' sobeng'ung' amu kigesorun. Nguni imitei kebeberta ne maimuchi kimnatosiekab mesundeito koityi anan koriiky, ak noto ko bounatetab Werit ne chamat ne bo Kamuktaindet. Ma nyolu imitei eng' rirenetab oik. Ole mitei kaimutiet ko chang' bik eng' kanisa che tomo konaam koboisien kandoinatenywa, ak koboi setani ak kimnatosiek alak che bo mesundeito.

Ko kiiyan Jesu ak kesorun, konyolu itinye kimnatet kosiir setani. Kiiterteer setani imitei oritab Jesu, ak omitei ak Jesu eng' oldab setani, yoto ko oldab che kigobek! Ye kingoyaei Jesu chuto ko kiomitei tuwai!

Kas kole kigonin Kiptaiyat kimnatet (kandoinatet) itiech erenok ak melmelwek, ak iterteer kimnatet tugul ne bo bunyot: ak mami kiy ne imuchi kong'emak. Matinye setani chamchinet koget kiy age tugul eng' sobeng'ung', eng' gong'ung' anan eng' sobetab ichek che ichamei. I agenge ak Kristo, ak Inyiaat kimnatet ak kandoinatet eng' Kipsengwet, ak eng' ng'onny, iterteer setani. Boun tuguk tugul anyun ak indochi emeng'ung'!

## **MAONATET NE KIMWACHIN GE**

**Abounisie ak andochini emenyun rani. Matinye kiy age tugul setani eng' ane, anan ko ichek che achame. Inendet ko kigiterteer ago ng'etu kou noto! Amen.**

### **TESETAB SOMANET**

Kolosaik 2:15

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Ng'ang'utiet 9-16



**Tienwogikab Kalosunet 23:3-4**

**... Indoiywa abun ortinwekab imanda agobo kainennyi. Ee, agot ngabune atebwetab uruetab meet, Ko maiywei yaitio; amu imi kobota: Igaigaa kirok-tang'ung' ak siaring'ung'.**

Ye kiitach Jesu koek Kiptayan-deng'ung' ak Sorunindeng'ung', ko ki-toog anyun ole itakyini ge eng' Kamuktaindet. Ye kisomani eng' sirutietab rani, ko kigindein oretab imanda. Mitei bik che ma soptos eng' magetab Kamuktaindet, amu masoptos ichek eng' ng'olyot. Mitei ichek komoswek che manyolu komitei, ago mitei ak bik che manyolu, ak komenye gorik che manyolu komenye, ago sobenywa tugul ko machulaat, ak noto anyun ko kenisiet.

Ma nyolu kou noto anyun eng' inye; boisie lewenet eng' inye, ak tinye sobeng'ung' boisiet eng' Kamuktaindet. Indoun eng' tamirmiriet ne mi oring'ung, ago tinye oret ne kigonin, tuguk tugul che imakyni ge isuldaen kueng'ung'. Imuchi ibwati ile ki ichililil ak inastae magetab Kamuktaindet, eng' sobeng'ung'. Ta komi kasarta. Noto anyun si konyonjin ng'olyondoni rani. Tomo kobeek kasarta, iweekyi ge oretab Kamuktaindet eng' ng'olyondenynin. Igeerjini ge torornatenynin kou ye tomo kai igeere.

## **MAONATET NE KIMWACHIN GE**

**Mamitei kakwaut age tugul ne aibe, ne ma indochin tamirmiret eng' kenyni nyonei. Kong'eete rani awendoti eng' chobet ne iifitaat ne bo Kamuktaindet eng' sobenyun. Haleluya, Amen.**

### **TESETAB SOMANET**

Epesoek 1:11

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Ng'ang'utiet 17-22



**2 Korintoek 2:14**

**Ago kongoi eng' Jehovah, ne imutatech kotugul kibelisie eng' Kristo, ak kobortoi nyamdutietab naennyi eng' achek eng' komosta age tugul.**

Ye kigeere anyun keniyini bo chego ak kumik kogeasu ge, ko nyie mugulelwekyok Kongoi eng' Kamuktaindet amu eng' tuguk che bo kwong'et che kiginyorji ge, kogi kaniset ak eng' sobonwekyok chi tugul. Mwaei sirutietab rani kole, Jehovah ne imutatech kotugul kibelisien eng' Kristo, ak noto anyun ko yame ge kemwa kongoi! Kabelisiet age tugul ko bunu Kamuktaindet.

Keer anyun keniyinito ak tuguk che kisulda, igun ne mwaei kongoi, ne bai-bai, ak koboiboenjin tuguk che kiyaa ak iwekyi Kiptayat kongoi amu eng' tugul che kiyau. Mat iib kasarito igeer

tuguk che yaach che kites tai, kobaaten iit anyun berutang'ung. Boiboenjin tuguk alak tugul che kiinyorji ge, matin komengech!

Ibwaat ile boiboyet, koboru boisietab kayaneng'ung'. Ye iureren ak iboiboenji, iborjini Kamuktaindet kit ne u kayaneng'ung'. Mwa kongoi, itinye kagenetab kenyit age ne o, ago kaikai noto ko 2025!

Ibwaat ites tai ilal mat eng' kaptfisieng'ung', iboisien saet eng' keniyini lel.

Oboiboitun anyun eng' kenyit ne lel, ak koberurok Kamuktaindet!

## MAONATET NE KIMWACHIN GE

**Ataache anyun kenyit nenyun ne lel, eng' boiboindo ak kalosunetab Kiptaiyat. Igu kenyit ne kararan mising' ko tomo age, eng' kainet ne toror ne bo Jesu! Amen.**

### TESETAB SOMANET

1 Tesalonikek 5:18

Kongoi anyun!

Kaigesu cherset kesoman bukuit ne tilil eng' betusiek 365.



BY PROPHET  
**UEBERT ANGEL**

# OUR LORD JESUS CHRIST

Our Lord Jesus Christ is the cornerstone of the Christian faith, His life and teachings have profoundly influenced the course of history. Our Lord Jesus Christ is known for His unparalleled compassion, wisdom, and the miraculous deeds He performed. His message centered on love, forgiveness, and the promise of eternal life, offering hope and redemption to all who believe in Him. Throughout His ministry, He travelled across the lands of Judea, healing the sick, comforting the afflicted, and teaching about God's eternal kingdom.

Receiving Jesus Christ as your personal Lord and Savior means accepting His teachings and inviting His transformative presence into your life. It is a journey toward spiritual fulfilment, grounded in faith, love, and the promise of salvation.

Through our Lord Jesus Christ, we find strength, hope, and a path to eternal peace. To be made whole, or to be saved, is to submit to God and His plan and purpose for our lives. It is a turning from our old ways and turning to Jesus Christ, to ask Him for forgiveness from our sins and to give us new life in Him.

**Romans 10:9 says:**

"If you declare with your mouth that Jesus is Lord, and believe in your heart that God raised him from the dead, you will be saved."

Salvation is God's free gift to us and we become His children. It is an irrevocable acceptance into the family of God and it is an empowerment to live life wholly and fully with the purpose of reflecting God to the rest of His creation.

# TOS KIIYAN JESU KRISTO?

KITAACHIN IYAI JESU KRISTO  
KANDOINDETAB SOBENG'UNG' YE ISA KO U NI;

"EE, KIPTAYAT KAMUKTAINDET, KANYONJIN  
ENG' KAINETAB JESU KRISTO, AYANI ENG'  
MUGULELDANYUN TUGUL, JESU KRISTO  
WERITAB KAMUKTAINDET NE SOBE. AYANI  
ALE KIME AGOBO ANE AK KIING'EET INENDET  
KAMUKTAINDET KOMONG'UNE CHE KIBEK.  
AYANI ALE SOBE RANI. ANG'ANYE ENG' KU-  
TINYUN ALE JESU KRISTO KO KIPTAYATAB  
SOBENYUN KOBOCH RANI. ENG' INENDET AK  
ENG' KAINENYIN ATINYE SOBONDAB KOIGE-  
NY; KAGESORUON. KONGOI KIPTAYAT AMU  
KAISORU SOBONDANYU! NGUNO A LAK-  
WETAB KAMUKTAINDET. HALELUYA!"

IBERUROT! NGUNO KAIEGU LAKWETAB  
KAMUKTAINDET.

To receive more information on how you can grow  
as a Christian, please get in touch with us on

**UK: +44 3333 448 612 / USA +1240 781 6942**  
**RSA +27 51 004 0209**

[www.uebertangel.org](http://www.uebertangel.org) | [www.goodnewsworld.com](http://www.goodnewsworld.com)

# SIRUTIK ENG' BUKUIT AGOBO RIPSET

## ISAIA 54.

**14** A TEGAT ENG' TOLOITA, A TONONOT  
ENG' IMANDA, ALOOITUNOT ENG' NYALILDA  
– MAYWEI KIY! ALOOITUNOT ENG'  
KAMUISET – AMAGOI AGOT KORIKYON!

**15** NGOT KONG'EETYON CHI BORIET, KO  
MAGOI AIITYI KOLE KAIYOGU KAMUKTAIN-  
DET. AGO NGOT KOBORION CHI, KO MAI-  
SULDOI ENG' NOTO!

**16** KIYAI KAMUKTAINDET KITANG'INDET NE  
ILALE MANYIN, SI KOCHOPCHIGEI KARIGYIK  
CHE BO RUMISIET. KIYAI KORA INENDET  
NG'EMINDET.

**17** AGO TOMO KITANYI KARIK CHE IMUCHI  
KONG'EMAN. AGE TUGUL NE ITAAMAN KE-  
GEERE INENDET KO U KIPLEMBECHWET. A  
OTWOGINDETAB KAMUKTAINDET AGO  
AGENI INENDET KOGEER KOLE KAIKULDA  
TUGUK TUGUL CHE MIACHEN AGOBO ANE.

**MWOWON KAMUKTAINDET KOU NITO AK  
ISULDOI ENG' KAINETAB JESU!  
TRANSLATED FROM THE MESSAGE BIBLE IN ENGLISH**



# SPONSOR A LANGUAGE

Sponsor a language today through our outreach campaign.

Join us on this remarkable journey by sponsoring and sharing the GoodNews Daily devotional so that we can penetrate the hearts of millions around the world. Together, we can spread the goodnews message of God's grace to every city, every street, and household in multiple languages across the world.

Every month, our dedicated partners distribute free copies of the GoodNews Daily devotional to people in orphanages, prisons, hospitals, homes of the elderly, schools, government institutions, and countless other locations around the world. We have received testimonies of salvation, healing, divine provision, and many more as a result of this global distribution campaign. Be part and parcel of this glorious move of God by giving someone the chance for a new start and fresh hope for tomorrow.

**BY PROPHET UEBERT ANGEL**

 @GOODNEWSDAILYDEVOTIONAL

SPONSOR AT: [WWW.GOODNEWSDAILYDEVOTIONAL.COM](http://WWW.GOODNEWSDAILYDEVOTIONAL.COM)

**AVAILABLE IN MULTIPLE LANGUAGES**

# — A GLOBAL — VISION, REQUIRES A GLOBAL BUDGET

**Become A GoodNews Daily Partner**

Through your generous partnership and financial support we are able to share the GoodNews Daily devotional to every corner of the world and tell the untold about the goodnews revelation of our Lord Jesus Christ as taught by the Highly Esteemed Prophet Uebert Angel. We are able to translate, print, and distribute the GoodNews Daily devotional via our Mission Trips, GoodNews On-The-Go Campaign, and Adopt a Nation/Language to help further spread the gospel. Become a partner and stakeholder in this global vision and join us in taking God's divine message to nations across the globe through our Messenger Angel, The GoodNews Daily.

*By Prophet Uebert Angel*

📷📺📞 @GOODNEWSDAILYDEVOTIONAL

**PARTNER AT: [WWW.GOODNEWSDAILYDEVOTIONAL.COM](http://WWW.GOODNEWSDAILYDEVOTIONAL.COM)**

# — WELCOME TO OUR — ONLINE HUB

BY PROPHET UEBERT ANGEL

**VISIT OUR WEBSITE**

WWW.GOODNEWSDAILYDEVOTIONAL.COM

 @GOODNEWSDAILYDEVOTIONAL



Experience daily inspiration and spiritual growth by visiting the GoodNews Daily website. Dive into your prophetic Word of the day and enriching content that can transform your life. Don't miss the opportunity to deepen your faith and find joy in the Word of God. Visit the GoodNews Daily website today!

For more information visit: [www.goodnewsdailydevotional.com](http://www.goodnewsdailydevotional.com)

You can also send an email to: [gnd@goodnewsworld.com](mailto:gnd@goodnewsworld.com)


Or Call at: **USA: +1 (240) 781-6942 UK: +44 333 344 8612**

**ZW: +263 773 195 955 RSA: +27 (51) 004-0209**

# EVERY-DAY ON



Join our community of global listeners who start their day with the GoodNews Daily devotional. Listen to the GoodNews on Spotify and let it be your companion on the path to spiritual growth and biblical truth under the revelation and teachings of Prophet Uebert Angel.



# EVERY-DAY ON



We bring you real-life testimonies on the impact the GoodNews Daily devotional has had worldwide through our YouTube channel. As the number one daily devotional, it has touched countless lives, spreading the message of hope, love, and faith. Through the profound teachings of Prophet Uebert Angel, the GoodNews Daily devotional has become a powerful tool for personal transformation, inspiring individuals, families, and children to live a life of purpose and fulfillment.

**BY PROPHET UEBERT ANGEL**



SUBSCRIBE NOW

 @GOODNEWSDAILYDEVOTIONAL

WWW.GOODNEWSDAILYDEVOTIONAL.COM

# GOODNEWS DAILY KIDS

The global GoodNews Daily devotional kids is reaching and impacting the world in a glorious manner. This wonderful booklet has reached millions of homes around the world, impacting the lives of children with the profound Word of God.

One of the remarkable aspects of the GoodNews Daily kids is its availability in multiple languages across the world. This inclusivity allows many individuals and children to explore the message of joy and hope contained within the devotional in their native language. As a result, more and more families and children are embracing the transformative power of God's word and experiencing positive change in their lives.

**BY PROPHET UEBERT ANGEL**



SCAN ME

Access to worksheets & quizzes at:  
[www.goodnewsdailydevotionalkids.com](http://www.goodnewsdailydevotionalkids.com)

 @GOODNEWSDAILYDEVOTIONAL



SCAN QR CODE FOR YOUR FREE COPY!

## MY NOTES

A series of horizontal dotted lines for writing notes.

SIRETAB BETUT AGE TUGUL

KONUNET 4

Arawetab Taman - Arawetab Taman ak agenge - Arawetab Taman ak aeng'

2024

# Logoiywek **Che Miach**

Betut age tugul

**BUCH**

MA KIALDOI

SIRUTICHU KO KILPAN  
ORETIKYOK AGO NYOLU KIGOITO BUCH

J beek che kaitit eng' ne amei melel, **Logoiywek che miach** che bunu emet ne loo (Kalewenaik 25:25)

*Uebert & BeBe*  
**ANGEL**